

摘藻堂四庫全書薈要

經部

欽定四庫全書薈要

經部

儀禮注疏卷十五



詳校官編修臣程嘉謨

欽定四庫全書薈要卷二千十四

經部

儀禮注疏卷十五

漢鄭氏注 唐陸德明音義 賈公彥疏

特牲饋食禮第十五

特牲饋食之禮○不諏日注祭祀自孰始曰饋食饋食

者食道也諏謀也士賤職褻時至事暇可以祭則筮其

日矣不如少牢大夫先與有司於廟門諏丁巳之日音

義

諏子

疏

釋曰自此至事畢論士將筮日之事注釋曰云祭祀自孰始曰饋食饋食者食道也者案

檀弓云飲用米貝弗忍虛也不用食道用美焉鄭注
云食道褻米貝美若然食道是人飲食之道孝子於親
雖死事之若生故用生人食道饋之也此釋經不言祭
祀而言饋食之意且云祭祀自孰始者欲見天子諸侯
饋食已前仍有灌鬯朝踐饋獻之事但饋食見進黍稷
云饋孰見牲體而言天子諸侯堂上朝踐饋獻後迎尸
於堂亦進黍稷牲體其犬豕牛羊亦孰之同節也云士
賤職褻時至事暇可以祭則筮其日矣者此解經不諏
日謂不如大夫以上預前十日與臣諏日而筮之是以
鄭云不如少牢大夫先與有司於廟門諏丁巳之日也
凡士言不者對大夫以上言之此士言不諏日少牢大
夫諏日士喪禮月半不殷奠則大夫以上殷奠如此之
類皆是也鄭云時至事暇可以祭者若祭時至有事不
得暇則不可以私廢公故也若大夫以上尊時至唯有
喪故不祭自餘吉事皆不廢祭若有公事及病使人攝
祭故論語孔子云吾不與祭注云孔子或出或病不自

親祭使攝者為之不致肅敬於心與不祭同又祭統云是故君子之祭也必身親蒞之有故則使人可也雖使人也君不失其義者君明其義故也是君大夫有病故皆得使人攝祭若諸侯有朝會之事則不得使人攝故王制云諸侯祠則不禘禘則不嘗嘗則不烝烝則不禘鄭注云虞夏之制諸侯歲朝廢一時祭又明堂位云是故夏禘秋嘗冬烝鄭注云不言春祠魯在東方王東巡守以春或闕之是諸侯朝會不得攝以諸侯禮大故也案桓八年經書正月己卯烝公羊傳云烝者何冬祭也春曰祠夏曰禘秋曰嘗冬曰烝常事不書此何以書譏何譏爾譏亟也亟則黷黷則不敬君子之祭也敬而不黷疏則怠怠則忘士不及茲四者則冬不裘夏不葛何休云禮本下為士制四者士有公事不得及茲四時祭者則不敢美其衣服若然則士不暇不得祭又不得使人攝大夫以上有公事乃有攝可知

及筮日主人冠端玄即位于門外西

面注冠端玄冠玄端下言玄者玄冠有不玄端者門

謂廡門疏

注釋曰云冠端玄冠玄端下言玄者玄冠有不玄端者不玄端則朝服下記云助祭者

朝服不著玄端故也若然玄端一冠冠兩服也對文則玄端有纁裳玄裳黃裳雜裳若朝服緇布衣而素裳但六入為玄七入為緇大判言之緇衣亦名玄是以散文言之朝服亦名玄端故論語云端章甫鄭云端玄端也諸侯日視朝之服以端是正幅非直服稱端六冕亦有端稱故禮記魏文侯曰吾端冕而聽古樂則唯恐臥是冕服正幅亦名端也云門謂廡門知者士冠禮云筮於廡門彼冠禮筮尚在廡門此謂祭廡筮在廡門可知若然士冠言廡非祭恐不在廡故言廡此不言廡者為祭廡筮可知不須言廡也

子姓兄弟如主

人之服立于主人之南西面北上注所祭者之子孫言

子姓者子之所生小宗祭而兄弟皆來與焉宗子祭則

族人皆侍音義

與音預

疏

注釋曰云子姓者子之所生者案鄭注喪大記云姓之言生也

云子之所生則孫是也云小宗祭而兄弟皆來與焉者案喪服小記云繼別為宗繼禰者為小宗鄭注云小宗有四或繼高祖或繼曾祖或繼祖或繼禰皆至五世則遷若然繼禰者長者為小宗親弟等雖異官皆來祭繼祖者從父昆弟皆來祭繼曾祖者從祖昆弟皆來祭繼高祖者族祖昆弟皆來祭是皆據小宗而言也云宗子祭則族人皆侍者此鄭據書傳而言案書傳康誥云天子有事諸侯皆侍尊卑之義注云事謂祭祀又云宗室有事族人皆侍終日大宗已侍於賓奠然後燕私注云謂卿大夫以下宗室大宗之家引禮記別子為祖繼別為大宗繼禰為小宗賓寮友助祭者若然大宗子祭一族之內皆來助祭引之者證經子姓兄弟若據小宗有

服者若據大宗
魚有絕服者也
有司羣執事如兄弟服東面北上注士

之屬吏也疏

注釋曰云如兄弟服者如主人冠端玄左傳云士有隸子弟謂此言為屬吏而已

席于門中闌西闕外注為筮人設之也古文闌作𦉳闕

作𦉳音義

闌魚列反闕于逼反又況疏釋曰案士冠禮逼反為于偽反下為神同云筮與席所卦

者具饌于西塾乃言布席于門中筮人執筴抽上韉兼執之此不言具饌于西塾而經但言席于門中取筮于西塾入不云抽上韉者皆互見省文之義
筮人取筮于西塾執之東面受

命于主人注筮人官名也筮問也取其所用問神明者

謂著也疏

注釋曰案周禮春官有卜人筮人此士禮亦云筮人故云官名也云筮問也取其所用問

神明者謂著也者案周禮天府職云季冬陳玉以貞來歲之美惡注云問事之正曰貞凡卜筮實問於鬼神謂卜用龜龜知生數一二三四五之神筮用著著知成數七八九六之神則此鄭云神明者也若然神既為生成之神鄭云謂著者則著亦有神易繫辭有著之神德圓而神非直筮有成數之神亦有著之神也

宰自主

人之左贊命命曰孝孫某筮來日某諏此某事適其皇

祖某子尚饗注宰羣吏之長自由也贊佐也達也贊命

由左者為神求變也士祭曰歲事此言某事又不言妃

者容大祥之後禫月之吉祭皇君也言君祖者尊之也

某子者祖字也伯子仲子也尚庶幾也音義

長丁丈反下同妃音

配又芳疏注釋曰云宰羣吏之長者贊命之辭非長不

非反

疏

為又天子諸侯宰皆尊官故知羣吏之長也

云贊命由左者為神求變也者案士冠禮宰自右少退贊命鄭注云宰有司主政教者自由也贊佐也命告也佐主人告所以筮也少儀曰贊幣自左詔辭自右此祭祀故宰自左贊命為神求吉故變於常禮也云士祭曰歲事此言某事又不言妃者容大祥之後禋月之吉祭者案下宿賓云薦歲事據吉而言又少牢吉祭云以某妃配即與士虞記云中月而禋是月也吉祭猶未配此與彼文同故知是禋月吉祭也云言君祖者尊之也者天子諸侯名曾祖為皇考此士亦云皇祖故云尊之也云某子者祖字也伯子仲子者以其某在子上為男子美稱故以某為伯仲叔季五十字下篇云皇祖伯某鄭注云伯某祖字也不為五十字者以某在伯下故為祖

字解之與此異也

筮者許諾還即席西面坐卦者在左卒筮寫

卦筮者執以示主人注士之筮者坐著短由便卦者主

畫地識爻爻備以方寫之疏

注釋曰云士之筮者坐著短由便者決下少牢云史

曰詒遂述命既乃釋韞立筮鄭注云卿大夫之著長五尺立筮由便與士不同知著有長短者案三正記云天子著長九尺諸侯七尺大夫五尺士三尺是也云卦者主畫地識爻爻備以方寫之者案士冠禮云筮人許諾右還即席坐西面卦者在左卒筮書卦執以示主人鄭云卒已也書卦者筮人以方寫所得之卦彼云書卦即云執以示主人則筮者書寫以示主人也此經云卒筮寫卦乃云筮者執以示主人則寫卦者非筮人故此鄭云卦者主畫地識爻爻備以方寫之也

主人受視反之注反還筮者還東

面長占卒告于主人占曰吉注長占以其年之長幼旅

占之疏

注釋曰經直云長占知非長者一人而云長幼旅占之者士冠禮云筮人還東面旅占明此亦

是長幼旅占經直云長者見從長者為始也

若不吉則筮遠日如初儀注遠

日旬之外日疏

釋曰案曲禮云吉事先近日喪事先遠日此尊卑禮同也又云旬之內曰近某

日旬之外曰遠某日此尊卑有異云旬之內曰近某日據士禮吉事先近日謂祭祀假令孟月先於孟月上旬內筮筮不吉乃用中旬之內更筮中旬又不吉更於下旬內筮筮不吉即止大夫已上假令孟月祭於前月下旬筮來月之上旬不吉又於孟月之上旬筮中旬中旬不吉又於中甸筮下旬下旬又不吉即止不祭今云遠日旬之外日者謂上旬不吉更於上旬外筮中甸為旬之外日非謂如大夫已上旬之外謂旬前為旬外也

宗人告事畢○前期三日之朝筮尸如求日之儀命筮

曰孝孫某諏此某事適其皇祖某子筮某之某為尸尚
饗注三日者容宿賓視濯也某之某者字尸父而名尸
連言其親庶幾其馮依之也大夫士以孫之倫為尸音

義

馮音憑

疏

釋曰自此盡主人退論祭前筮尸宿尸之事
注釋曰云三日者容宿賓視濯也者謂前期

二日宿賓一日視濯是以下云厥明夕陳鼎于門外下
至夙興皆祭前一日視濯之事以其夙興上事是祭前
一日也宿賓又是厥明夕為期上則宿賓與視濯別日
又知宿賓是祭前二日此經乃祭前三日筮尸故鄭云
容宿賓視濯言容者為筮尸之後祭日之前有二日容
此二事也若然筮尸在祭前三日宿尸云乃是緩辭則
與筮尸別日矣以此而言則宿尸與宿賓中無厥明之
文則二者同日矣二者同日鄭直言容宿賓視濯不言

容宿尸者以其宿賓在厥明之上故不嫌宿尸與宿賓別日也云某之某者字尸父而名尸者經直云某之某鄭知字尸父而名尸者曲禮云為人子者祭祀不為尸鄭彼注云尊者之處為其夫子道然則尸卜筮無父者又云卒哭乃諱諱則不稱名故知尸父云某是字尸既對父故某為名云連言其親庶幾其馮依之也者尸父前世與所祭之父同時同時必相識知今又筮其子為尸尸又與所祭之子相識父子皆同類故連言其親庶幾其神馮依之也云大夫士以孫之倫為尸者案祭統云夫祭之道孫為王父尸所使為尸者於祭者子行也父北面而事之所以明子事父之道也注云祭祖則用孫列皆取於同姓之適孫也天子諸侯之祭朝事筮尸於戶外是以有北面事尸之禮如是則天子諸侯宗廟之祭亦用孫之倫為尸而云大夫士者但天子諸侯雖用孫之倫取卿大夫有爵者為之故鳧鷖詩祭尸之等皆言公尸又曾子問云卿大夫將為尸於公若大夫士

祭尸皆取無爵者無問成人與幼皆得為之故曾子問孔子曰祭成喪者必有尸尸必以孫孫幼則使人抱之也是乃宿尸注宿讀為肅肅進也進之者使知祭日當來

古文宿皆作羞凡宿或作速記作肅周禮亦作宿疏

注釋

曰云古文宿皆作羞疊之不從古文云凡宿或作速謂一部之內或作速者若公食大夫速賓之類是也云記作肅者曲禮云主人肅客而入是也又云周禮亦作宿者大宗伯文宿眡滌濯是也是以鄭汎云或也

主

人立于尸外門外子姓兄弟立于主人之後北面東上

注不東面者來不為賓客子姓立于主人之後上當其

後疏

注釋曰云不東面者來不為賓客者為尸者父象也主人有子道故主人北面不為賓客不敢當尊

故不東面此決冠禮宿賓主人東面此北面不同也云
上當其後者子姓兄弟北面陪主人後東頭為上者不
得過主人故為上尸如主人服出門左西面注不敢南
者當主人之後也

面當尊疏

注釋曰此決少牢云主人即位於廟門外之
東方南面以其大夫尊有君道故南面當尊

此士之孫倫為尸雖
被宿猶不敢當尊也

主人辟皆東面北上注順尸音義

辟劉芳益

主人再拜尸答拜注主人先拜尊尸疏

注釋曰此

反一音避

決下文宿賓賓先拜主人乃答拜今此尊尸是以主人

先拜也案少牢云吉則遂宿尸祝擯主人再拜稽首祝

告曰孝孫某云云尸拜許諾祝先釋辭訖尸乃拜此尸

答拜後宗人乃擯辭者士尸卑主人拜尸即答拜不待

擯辭訖大夫之尸尊

宗人擯辭如初卒曰筮子為某尸

尊待釋辭訖乃拜

占曰吉敢宿注宗人擯者釋主人之辭如初者如宰贊

命筮尸之辭卒曰者著其辭所易也疏

注釋曰云如初者如宰贊命筮

尸之辭者案筮尸時雖不見宰贊命以其云筮尸如求日之儀筮日時有宰贊命則筮尸時亦有宰贊命可知故此得如之也卒曰者著其辭所易也者前筮尸辭云筮某之某為尸尚饗易已上之辭也祝許諾

致命注受宗人辭許之傳命於尸始宗人祝北面至於

傳命皆西面受命東面釋之疏

注釋曰云始宗人祝北面至於傳命皆西面受

命東面釋之者以其上文始時主人與子姓兄弟立于尸門外北面重行則宗人與祝相隨亦皆北面故云始宗人祝北面至於尸出門左西面主人避之門西東面定位訖宗人進主人之前西面鄉之受命受命訖尸既

西面明宗人旋鄉
東面釋之可知

尸許諾主人再拜稽首注其許亦宗

人受於祝而告主人疏

注釋曰云其許亦宗人受於祝而告主人者謂祝受尸許諾辭

旋西面告宗人宗人告主人
尸許諾主人乃再拜稽首

尸入主人退注相揖而去

尸不拜送尸尊疏

注釋曰鄭知有相揖而去者約下篇少牢云主人退尸送揖不拜是也但

彼有送文此經尸入後乃言主人退則尸不送可知此尸不送者士卑故尸被宿之後不送也大夫尊故尸雖受宿猶送

○宿賓賓如主人服出門左西面再拜主人

大夫也

東面答再拜宗人擯曰某薦歲事吾子將泣之敢宿注

薦進也泣臨也言吾子將臨之知賓在有司中今特肅

之尊賓耳音義

泣音利
又音類

疏

釋曰自此盡賓拜送論士將祭宿屬吏內一人為備三獻

賓之事也注釋曰云言吾子將臨之知賓在有司中者以其云將臨之明前筮尸在其中可知以上無戕文今宿之云吾子將涖之明知賓在有司內可知案前文有司羣執事如兄弟服東面北上鄭云士之屬吏此云賓在有司中則賓是士之屬吏可知下記云公有司門西北面東上獻次衆賓私臣門東北面西上獻次兄弟賓及衆賓行事在西階之下復似賓不在有司中者但賓是士之屬吏內言私臣據已自辟除者言公有司者亦是士之屬吏命於其君者言賓在有司中者在諸士中選三獻者以為賓又選為衆賓以下若在門外時同在門西東面北上及其入為賓及衆賓者適西階以俟行事公有司不選為賓者門西北面私臣不選為賓門東北面門外不列者以其未有事入門而列者為將行事公有司門西私臣門東二者皆無事故經不見記人乃

辨之見其與於獻也云今特肅之尊賓耳者賓有司之內不嫌不助祭今特宿之者將使為賓也

賓曰

某敢不敬從主人再拜賓答拜主人退賓拜送○厥明

夕陳鼎于門外北面北上有鼎注厥其也宿賓之明日

夕門外北面當門也古文鼎為密音義

鼎亡狄反

疏

釋曰自此盡主

人拜送論祭前一日之夕視濯與視牲之事注釋曰云門外北面當門也者以其經直云門外不言門之東西故知當門下篇少牢陳鼎在門東此當門者士卑避大夫故也

於在其南南順實獸于

其上東首注順猶從也於之制如今大木輦矣上有四

周下無足獸腊也音義

於於庶反舉音預

疏

釋曰下篇少牢牲北首東上司馬刲

羊司士擊豕宗人告備乃退不言獸少牢五鼎明有獸可知不言之者已有二牲略其小者故不言也案士虞記陳牲于廟門外北首西上鄭注云言牲腊在其中西上變吉此亦其西北首東足與彼文同彼文變吉者彼牲云北首西上明腊亦北首可知此實獸楹上東首不與牲相統故云變吉注釋曰云楹之制如今大木輦矣上有四周下無足者鄭舉漢法以曉古諸禮禮記及此儀禮凡言楹者以無足解之云獸腊也者特牲三鼎有豕魚腊案周禮腊人鄭注云小物全乾為腊故知豕云牲魚水物云獸是腊可知

牲在其西北

首東足注其西楹西也東足者尚右也牲不用楹以其

生疏

注釋曰豕不可牽之縛其足陳於門外首北出楹東其足寢其左以其周人尚右將祭故也云牲不

用楹以其生者對腊死用楹而言之

設洗于阼階東南壺禁在東序豆籩

銅在東房南上几席兩敦在西堂注東房房中之東當

夾北西堂西夾室之前近南耳音義

銅音刑敦音對又都愛反後放此夾

古洽反劉古

疏

注釋曰大夫士直有東房西室若言房

協反後皆同

則東房矣故士冠禮陳服于房中西墉

下東領北上不言東又昏禮側尊觥醴于房中亦不言

東如此之類皆不言東以其直有一房不嫌非東房故

不言東今此經特言東房明房內近東邊故云東房也

夾室半以南為之以壁外相望則當夾北也又與少牢

籩豆所陳相反少牢近於西方此經則房中之東也言

當夾北者以其夾室在房近南東故云房中之東當夾

北也云西堂西夾之前近南耳者案爾雅注夾室前主

堂謂之廂此在西堂在西廂故云西夾之前近南也

主

人及子姓兄弟即位于門東如初注初筮位也賓及衆

賓即位于門西東面北上注不象如初者以賓在而宗

人祝不在疏

注釋曰云不象如初者此決上經主人及子姓兄弟即位于門東如初筮位今賓及

衆賓者即是前者有司羣吏執事當言如初不言者以宰前筮時在門東贊主人辭今宰在門西同行又宗人祝離位賓西北東面南上異

宗人祝立于賓西北東面

於筮位時故不言如初也

南上注事彌至位彌異宗人祝於祭宜近廟疏

注釋曰云事彌

至者謂祭事彌至位彌異者謂宗人祝近門離本位故云位彌異

主人再拜賓答再拜

三拜衆賓衆賓答再拜注衆賓再拜者士賤旅之得備

禮也疏

注釋曰云旅之得備禮者謂衆賓無問多少總三拜之旅衆也衆賓共得三拜故云旅之也衆

賓再拜者士賤衆賓得備禮案有司徹主人降南面拜
衆賓于門東三拜衆賓門東北面皆答一拜注云言三
拜者衆賓賤旅之也衆賓一拜賤也卿大夫尊賓賤純
臣也經云皆答一拜明人人從上至下皆一一獨答拜
以其純臣故也所以不再拜者避國公故也此士賓莫
問多少皆得一時再拜者以其士賤衆賓得致禮故也
主人揖入兄弟從賓及衆賓從即位于堂下如外位注

為視濯也音義

從如字又才用反後以意求之

宗人升自西階視壺濯

及豆籩反降東北面告濯具注濯溉也不言敦鉶者省

文也東北面告緣賓意欲聞也言濯具不言絜以有凡

席疏

注釋曰云不言敦鉶者省文也者決上文初饌時云豆籩鉶在東房明敦及鉶亦視可知經不言者

省文故也上陳時經有几席鄭注所以不并言几席省
文者經言告濯具几席不在濯內故不得云几席為省
文也云東北面告緣賓意欲聞也者經云即位于堂下
如外位則主人在東階之下宗人降自西階宜東面告
濯具以賓在西亦欲聞之故也所以不正面告者為主
人告故也云言濯具不言絜以有几席者洗濯當告絜
不洗者告具而已几席不在洗內故直言濯具不言絜
嫌通几席亦洗濯之恨此決下經門外舉鼎鬯云告絜

賓出主人出皆復外位注為視牲也宗人視牲告充雍

正作豕注充猶肥也雍正官名也北面以策動作豕視

聲氣疏

注釋曰云北面以策動作豕者此無正文經云
作是動作之言故知以策動作豕云視聲氣者

案禮記內則周禮庖人職云豕望視而交睫腥不云豕
之聲氣而正云視聲氣者但祭祀之牲當充盛肥若聲

氣不和即是疾病不堪祭祀故云視聲氣也

宗人舉獸尾告備舉鼎鼐告絜

注備具請期曰羹飪注肉謂之羹飪熟也謂明日質明

時而曰肉熟重豫勞賓宗人既得期西北面告賓有司

音義

飪而疏

甚反注釋曰案少牢云宗人曰旦明行事此不

道可以豫勞賓故云時節此士卑無君道故不云旦明而云羹飪是以鄭云重豫勞賓羹飪乃來也云宗人既得期西北面告賓有司者此案少牢云主人門東南面宗人朝服北面曰請祭期主人曰比於子宗人曰旦明行事上文門外賓位在門西東面今既得期鄉西在賓南北面告賓與有司使知祭日當來也

告事畢

賓出主人拜送○夙興主人服如初立于門外東方南

面視側殺注夙早也興起也主人服如初則其餘有不

玄端者側殺殺一牲也疏

釋曰自此盡立于中庭論祭日夙興主人主婦陳設及行

位之事注釋曰云主人服如初則其餘有不玄端者案

下記云特牲饋食其服皆朝服玄冠緇帶緇鞶注云於

祭服此也皆者謂賓及兄弟筮日筮尸視濯亦玄端至

祭而朝服朝服者諸侯之臣與其君日視朝之服大夫

以祭今賓兄弟緣孝子欲得嘉賓尊客以事其祖禰故

服之緇鞶者下大夫之臣夙興主人服如初則同玄端

是也鄭云其餘有不玄端者明亦有著玄端者是以下

記人辯之云惟尸祝佐食玄端玄裳黃裳雜裳可也皆

爵韠鄭注云與主人同服是有同服者有著朝服者故

鄭云其餘有不玄端者也云側殺殺一牲也者案少牢

主人即位於廟門之外司馬刲羊司士擊豕皆主人不

視殺案楚語云諸侯宗廟之事必自射其牲刲羊擊豕

又司弓矢云凡祭祀共射牲之弓矢注云射牲示親殺也殺牲非尊者所親唯射為可又國語云禘郊之事天子必自射其牲王藻云凡有血氣之類君子弗身踐也者據凡常非祭祀天子尊于郊射牲諸侯降天子故宗廟亦親殺大夫士不敢與君同故視之而不親殺之側殺一牲者案冠禮云側尊一甌醴在服北鄭注云側猶特也無偶曰側以其無立酒是以少牢云主婦視饔司馬剗羊司士擊豕以其二牲不云側也

饔于西堂下注炊黍稷曰饔宗婦為之饔竈也西堂下

者堂之西下也近西壁南齊于坵古文饔作糝周禮作

饔音義

饔尺

疏

注釋曰知宗婦為之者以經言主婦視

志反饔饔明主婦不自為也是以下記云宗

婦贊薦者執以坐于戶外授主婦尸卒食而祭饔饔鄭以祭饔饔用黍肉而已是宗婦為之可知也云饔竈也

者周公制禮之時謂之饗至孔子時則謂之寗故論語
王孫賈云與其媚於奧寧媚於窻是孔子時為寗也云
西堂下者堂之西下也者以其為饗不可正在堂下當
逼西壁為之故云堂之西下近西壁也又知南齊于站
案既夕記云設楹于東堂下南順齊于站明在東西堂
下皆齊于站可知又鄭下注引舊說云南北直屋栢稷
在南是也案少牢云雍人概鼎也俎于雍饗雍饗在門
東南北上廩人概甌也與敦於廩饗廩饗在雍饗之
北廩饗既在門外不見主婦有視文主婦未知視之以
否主婦視饌饗猶主人視殺牲故易歸妹上六云女承
筐無實士刲羊無血鄭注宗廟之禮主婦奉筐米知饌
之時魚事之可知云周禮作饗者所謂故書者或作饌
也

亨于門外東方西面北上注亨煮也煮豕魚腊以饌

各一饗詩云誰能亨魚既之釜鬻音義

亨普庚反
鬻音尋

疏

注

日知用鑊者下少牢云羹定雍人陳鼎五三
鼎在羊鑊之西二鼎在豕鑊之西故用鑊也
羹飪實鼎

陳于門外如初注初視濯也尊于戶東玄酒在西注戶

東室戶東玄酒在西尚之凡尊酌者在左疏

注釋曰知戶東是室

戶東者若據房戶東西則舉東房而言今直云戶東故
知室戶東也云玄酒在西尚之凡尊酌者在左者左為
上尊今云玄酒在西故云尚之是以鄉飲酒鄉射皆玄
酒在西事酒在東若燕禮大射唯君面尊不從此義也
實豆籩簠陳于房中如初注如初者取而實之既而反
之疏

注釋曰經云實豆籩者取豆籩實之又言陳于房中如初者明既而反之可知也

執事之

俎陳于階間二列北上注執事謂有司及兄弟二列者

因其位在東西祝主人主婦之俎亦存焉不升鼎者異

於神疏

注釋曰鄭知經執事之俎祝主人主婦亦存焉者見士虞記祝俎陳于階間敦東彼虞不致爵

故不見主人主婦俎明此吉祭有致爵主人主婦陳於階間可知以主婦亦是執事之人也若然少牢主人主婦無俎者以三獻禮成別為傭尸正祭無致爵故主人主婦無俎傭尸行三獻致爵乃有俎下大夫不傭尸者亦於三獻尸爵止行致爵乃有俎也云不升鼎者異於神者前俎升鼎而入設於階前此鼎在門外不入而言陳於階間二列

盛兩敦陳于西堂藉用萑几席陳于西

故知不升鼎

堂如初注盛黍稷者宗婦也萑細葦古文用為于音義

藉慈夜反

疏

注釋曰知盛黍稷是宗婦者以

尸盥匱水

萑音完

其黍稷是宗婦所主故知也

實于槃中簞巾在門內之右注設盥水及巾尸尊不就

洗又不揮門內之右象洗在東統于門東西上凡鄉內

以入為左右鄉外以出為左右疏

注釋曰云不揮者揮振去水使手乾今有

巾故不揮也是以僖二十三年左氏傳云公子重耳在

秦秦伯納女五人懷贏與焉奉匱沃盥既而揮之懷贏

怒是也云門內之右象洗在東者東為門東據向內為

右故鄭云統於門東西上云凡鄉內以入為左右鄉外

以出為左右者欲明門內

據鄉內以入為左右也

○祝筵几于室中東面注為

神數席也至此使祝接神疏

注釋曰案上視濯時云宗人祝立於賓西北東面南

上鄭注云事彌至位彌異宗人祝于祭室近廟至入廟時宗人獨升視濯及出門外視牲告充未有使祝之文

至此臨祭使祝數神席故
鄭云至此使祝接神也

○主婦纓笄宵衣立于房中

南面注主婦主人之妻雖姑存猶使之主祭祀纓笄首

服宵綺屬也此衣染之以黑其繒本名曰宵詩有素衣

朱宵記有玄宵衣凡婦人助祭者同服也內則曰舅沒

則姑老冢婦所祭祀賓客每事必請於姑音義

纓所買反又所

綺疏

注釋曰云雖姑存猶使之主祭祀者謂姑老不堪反祀故姑存猶使之主祭祀也云纓者謂若士冠

禮廣終幅長六尺笄安髮之笄非冠冕之笄冠冕之笄

男子有婦人無若安髮之笄男子婦人俱有婦人笄對

男子冠故內則云男女未冠笄入喪服小記云男子冠

而婦人笄是也云宵綺屬也此衣染之以黑其繒本名

曰宵者謂此宵衣是綾綺之屬鄭注內司服云男子之
 祿衣黑則是亦黑也以其士喪禮有祿衣與士冠玄端
 為一玄端黑是男子祿衣亦黑則此婦人宵衣亦黑可
 知其玄則黑之類也故鄭引玉藻君子狐青裘豹褰玄
 宵衣以褐之證婦人玄宵衣亦黑也云其繒本名宵者
 此字據形聲為綃從絲宵聲但詩及禮記儀禮皆作宵
 字故鄭云其繒本名曰宵故引詩及禮記為證引詩者
 直取字為證引記謂禮記玉藻非直取證字為宵亦以
 證婦人宵衣為玄也云凡婦人助祭者同服也者經及
 記不見主婦及宗婦異服之文故知同服對男子助祭
 祝佐食等與主人服異也少牢云主婦贊者一人亦髮
 鬋衣侈袂與主婦同其餘雖不侈袂同亦宵衣可知依
 內司服天子諸侯王后以助祭皆不同者人君尊卑差
 等大夫士卑服窮則同也引內則者彼舅沒時年七十
 已上姑雖存年六十已上而當傳之家事故子之妻代
 姑祭雖代姑每事必請於姑引之者證經主婦而舍姑

夫老自為主婦姑老則子妻為主婦也

主人及賓兄弟羣執事即位于門

外如初宗人告有司具注具猶辨也主人拜賓如初揖

入即位如初注初視濯也佐食北面立于中庭注佐食

賓佐尸食者立于宗人之西疏

釋曰案下記云佐食當事則戶外南面無事則

中庭北面據此而言則此經謂無事時也注釋曰云立于宗人之西者案士虞禮云主人及兄弟賓即位于西方如反哭位注引既夕禮云反哭入門升自西階東面經又云宗人西階前北面注云當詔主人此特杜吉禮主人行事詐階宗人亦在詐階南擯主人

○主人及祝

佐食北面於中庭明在宗人之西可知

升祝先入主人從西面于戶內注祝先入接神宜在前

也少牢饋食禮曰祝盥于洗升自西階主人盥升自作

階祝先入南面疏

釋曰自此盡稽首論主人主婦及祝與佐食陳設陰厭之事注釋曰云主

人從西面于戶內注引少牢者證主人戶內西面其時祝北墉下南面之事以其未有祝行事之法直盥納祭而已下文乃云祝在左主婦盥于房中薦兩豆葵菹蜎

為孝子釋辭乃有事也

醢醢在北注主婦盥盥於內洗昏禮婦洗在北堂直室

東隅音義

蜎力禾反
直音值

宗人遣佐食及執事盥出注命之

盥出當助主人及賓舉鼎主人降及賓盥出主人在右
及佐食舉牲鼎賓長在右及執事舉魚腊鼎除鼎注及

與也主人在右統于東主人與佐食者賓尊不載少牢

饋食禮魚用鮒腊用麋士腊用兔音義

長丁丈反下注放此鮒音附

疏

注釋曰鼎在門外北上東為右人西為左人右人尊入時在鼎前左人卑入時在鼎後又盡載牲體於俎

又設俎于神坐之前主人升乃以東為主今在堂下主人在右故云統于東也云主人與佐食者賓尊不載者以賓主當相對為左右以賓尊不載牲體故使佐食對主人使賓為右人而使執事在左而載也

宗人

執畢先入當阼階南面注畢狀如又蓋為其似畢星取

名焉主人親舉宗人則執畢導之既錯又以畢臨匕載備失脫也雜記曰杞用桑長三尺畢用桑長三尺刊其

本與末牝畢同材明矣今此牝用棘心則畢亦用棘心
舊說云畢似御他神物神物惡桑又則少牢饋食及虞
無又何哉此無又者乃主人不親舉耳少牢大夫祭不
親舉虞喪祭也主人未執事祔練祥執事用桑又自此

純吉用棘心又音義

牝必履反

疏

注釋曰云畢狀如又者下引舊說有他神物惡桑又

之言故以又而言云蓋為其似畢星取名焉者案詩云有捄天畢載施之行無正文故云蓋以疑之也云主人親舉宗人則執畢導之既錯又以畢臨也載備失脫也知義然者以經言宗人執畢先入是導之也又知既錯又以畢臨也載備失脫也者以經云當阼階南面明鄉主人執畢臨也備失脫可知也云今此牝用棘心則畢

亦用棘心者案下記云棘心也刻是也知畢亦棘心者以雜記也畢同用桑據喪祭今吉祭也用棘心則畢亦棘心也云舊說云畢似御他神物神物惡桑又舊說如此又引少牢士虞已下破舊說之意也云此無又者乃主人不親舉耳者總解士虞少牢二禮云少牢大夫祭不親舉者大夫尊主人不親舉云虞喪祭也主人未執事者對吉祭主人執事有畢彼無也云祔練祥執事用桑又者以其虞時主人不執事則祔以執事用桑又則雜記所云畢也云自此純吉用棘心又者除祥後則禫月及吉祭用棘心也案易震卦彖辭云震來虩虩笑言啞啞震驚百里不喪匕鬯鄭注云雷發聲於百里古者諸侯象諸侯出教令能警戒國內則守其宗廟社稷為之祭主不亡其匕鬯人君於祭也牲體薦鬯而已其餘不親為也若然諸侯親也牲體大夫不親者辟人君士卑不嫌得與人君同親也

鼎西面錯右人抽扃委于鼎北注右人

謂主人及二賓既錯皆西面俟也贊者錯俎加匕注贊

者執俎及匕從鼎入者其錯俎東縮加匕東柄既則退

而左人北面也疏

注釋曰云其錯俎東縮加匕東柄者少牢云俎皆設于鼎西西肆又云匕

皆加于鼎東枋則此加匕於鼎東柄可知云既則退而左人北面也知者以其俎從於鼎西其人當北面於其南載之便是以昏禮亦云北面載執而俟是也

乃牝注右人也尊者於事指使

可也左人載之佐食升所俎鼎之設于阼階西注所謂

心舌之俎也郊特牲曰所之為言敬也言主人之所以

敬尸之俎古文鼎皆作密音義

所音

疏

注釋曰知所謂心舌者下記云

所俎心舌皆去本末午割之實于牲鼎載心立舌

卒載

縮俎是也引郊特牲者見敬有所俎送于尸前

加匕于鼎注卒已也已載畢亦加焉疏

注釋曰主人匕牲體宗人以畢

助之主人匕事記加之於鼎則宗人既事亦加於鼎可知

主人升入復位俎入設于

豆東魚次腊特于俎北注入設俎載者腊特饌要方也

凡饌必方者明食味人之性所以正疏

注釋曰知載人設俎者以其經

卒載下即云入設不見別人明是載者設之可知云腊特饌要方也者案經豆在神坐之前豕俎入設於豆東魚俎又次其東若腊俎復在東則饌不得方故腊俎特于俎北取其方故也

主婦設兩敦黍

稷于俎南西上及兩劬芼設于豆南南陳注宗婦不贊

敦釂者以其少可親之芼菜也音義

芼 亡報反 疏

注釋曰案少牢主婦

設金敦宗婦贊三敦以其多故使宗婦贊此士祭祀二敦少故不使宗婦贊主婦可親之也若然案少牢佐食贊釂宗婦不贊釂此不以佐食決之而并云宗婦者此決有司徹故有司徹云主婦洗爵于房中出實爵尊南西面拜獻尸尸拜于筵上受主婦西面于主人之席北拜送爵入于房取一羊釂坐奠于韭菹西主婦贊者執豕釂以從主婦不興受設于羊釂之西又下至主婦致爵于主人主婦設二釂與糗脩如尸禮皆是也

祝

洗酌奠奠于釂南遂命佐食啓會佐食啓會卻于敦南

出立于西南面注酌奠奠其爵解也少牢饋食禮啓會

乃奠之音義

會古外反

疏

注釋曰引少牢者案少牢祝酌奠遂命佐食啓會乃奠者彼大夫禮

與此士禮相變是以主人再拜稽首祝在左注稽首服與此奠乃啓會異也

之甚者祝在左當為主人釋辭於神也祝祝曰孝孫某

敢用剛鬣嘉薦普淖用薦某事於皇祖某子尚饗音義

祝曰州又反淖女孝反疏注釋曰引少牢祝祝已下者欲見迎尸之前釋孝子之辭也卒祝主

人再拜稽首○祝迎尸于門外注尸自外来代主人接

之就其次而請不拜不敢與尊者為禮周禮掌次凡祭

祀張尸次疏

釋曰自此盡反泰稷于其所論陰厭後迎尸于正祭之事注釋曰云尸自外来代主

人接之者下注云主人不迎尸成尸尊故也云就其次而請不拜不敢與尊者為禮者凡平賓客皆在門西主

人出門左西面拜今此經直云迎尸于門外不言祝拜尸答拜是祝出就次尸乃出次迎之而入門是不敢與尊者為禮引周禮者證主人降立于阼階東注主人不門外張尸次之事也

迎尸成尸尊尸所祭者之孫也祖之尸則主人乃宗子禰之尸則主人乃父道事神之禮廟中而已出迎則為

厭音義

厭一

疏

注釋曰云主人不迎尸成尸尊者案祭

業反

疏

注釋曰云主人不迎尸成尸尊者案祭

業反

疏

注釋曰云主人不迎尸成尸尊者案祭

業反

門外則疑於臣在廟中則全於君君在廟門外則疑於君入廟門則全於臣全於子鄭云不迎尸者欲全其尊也尸神象也鬼神之尊在廟中人君之尊出廟門則伸此士禮雖無君道亦尊尸主人不迎迎之尊不成不迎之則成尸之道尊也云尸所祭者之孫也者禮記云孫為王父尸是也云祖之尸則主人乃宗子者以其祭祖

兄弟來助祭故知宗子小宗大宗五宗皆然書傳云宗子將有事族人皆入侍也云禰之尸則主人乃父道者禮記祭統云夫祭之道孫為王父尸所使為尸者於祭者子行也父北面而事之所以明子事父之道也此父子之倫也注云祭祖則用孫列皆取同姓之適孫是其禰之尸則主人乃父道也云事神之禮廟中而已出迎則為厭者出廟門主人有尸入門左北面盥宗人授巾君厭臣之義故不迎也

注侍盥者執其器就之執簞者不授巾賤也宗人授巾

庭長尊少牢饋食禮曰祝先入門右尸入門左疏

注釋曰引

少牢者見上經陳盥在門右今尸入門左尸尊不就盥槃匝巾等鄉門右就尸之義也

尸至于階

祝延尸尸升入祝先主人從注延進在後詔侑曰延禮

器所謂詔侑武方者也少牢饋食禮曰尸升自西階入

祝從主人升自阼階祝先入主人從音義

侑音又疏注武音無釋

曰云在後詔侑曰延者案士虞禮尸謖祝前鄉尸鄭注云前道也祝道尸必先鄉之為之節彼祝居尸前道之此則在尸後詔之故云延也云禮器所謂詔侑武方者彼注武無也祝詔侑尸無常謂若檀弓子事父母左右就養無方今祝延尸道尸亦無常也引○尸即席坐主少牢者見祝從尸主人又從祝入之事

人拜妥尸注妥安坐也音義

妥他果反

尸答拜執奠祝饗主

人拜如初注饗勸彊之也其辭取于士虞記則宜云考

孫某主為考薦之饗舊說云明薦之音義

彊其疏注釋大反曰云

其辭取于士虞記則宜云孝孫某主為孝薦之饗者但喪祭稱哀吉祭稱孝故士虞記卒哭饗尸辭曰哀子某主為哀薦之饗此既吉祭宜云孝孫某主為孝薦之饗以其改哀為孝故曰宜云也引舊說者證主為潔明之義也

祝命按祭尸左執解右取菹換于醢祭于豆間注命

詔尸也按祭祭神食也士虞禮古文曰祝命佐食墮祭

周禮曰既祭則藏其墮墮與按讀同耳今文改按皆為

綏古文此皆為按祭也換醢者染於醢音義

按依註音墮許志反

劉相志反後墮祭按祭皆放此換

疏注釋曰云按祭祭

如悅反劉而懸反又而誰反後同

神食也者鄉者設

饌未迎尸陰厭厭飫神今尸來升席而按祭祭訖當食

神餘引周禮而云墮與按讀同則二字通用云今文改

按皆為綏不從今文引古文者欲見按下有祭字故疊之而不從也云換醢者染於醢從經為正也

佐食

取黍稷肺祭授尸尸祭之祭酒啐酒告旨主人拜尸奠

解答拜注肺祭剗肺也旨美也祭酒穀味之芬芳者齊

敬共之惟恐不美告之以美達其心明神享之音義

七

內反剗寸本反齊

疏

注釋曰知肺祭是剗肺也者下記

側皆反共音恭

剗肺三鄭注為尸主人主婦此經

云肺祭明是剗肺非舉肺也

祭釂嘗之告旨主人拜尸答拜注釂肉

味之有菜和者曲禮曰客祭羹主人辭不能亨音義

和

臥反下同

疏

注釋曰云釂肉味之有菜和者此即公食

絮丑慮反

大夫牛藿羊苦豕薇之等是也以其盛之

鉶器因號羹為鉶故云肉味之有菜和引曲禮者證鉶羹有五味調和絜者調和之義故告旨若大羹則不調以鹽菜無絜調之理也 祝命爾敦佐食爾黍稷于席上注爾近也

近之使尸之食也設大羹清于醯北注大羹清煮肉汁也不和貴其質設之所以敬尸也不祭不躋大羹不為神非盛者也士虞禮曰大羹清自門入今文清皆為汁

音義

清去疏

釋曰云醯北者謂薦左案公食大夫昏禮大羹清皆在薦右此在左者神禮變於生

人士虞禮泰羹清設于鉶南在右與生人同有不忍異於生故也注釋曰云不和貴其質者案桓二年左氏傳云大羹不和以鹽菜是貴其質也云不為神者陰厭時未設尸來始設為尸故士虞記云無尸則禮及薦饌皆

如初不按祭無大羹清臠從獻有尸即有大羹清從獻縱有亦不祭不濟是不為神為尸非盛者也引士虞禮曰大羹清自門入者證迎尸後乃從獻來也

舉肺脊以授尸尸受振祭濟之

左執之注肺氣之主也脊正體之貴者先食啗之所以

導食通氣音義

先悉薦反又如字啗大敢反

乃食食舉注舉言食者

明凡解體皆連肉疏

注釋曰乃食謂食肺云食舉謂骨體正脊從俎舉鄉口因名體為舉

凡牲體或七或二十七皆據骨節而言今言食不可空食骨以體皆連肉也

主人羞所俎于

腊北注所俎主於尸主人親羞敬也神俎不親設者貴

得賓客以神事其先疏

注釋曰云所俎主於尸者以其入後乃設之故知主於尸主人

親進者敬尸故也前神俎使載者設尸三飯告飽祝侑之者欲得尊賓嘉客以事其先故也

主人拜注三飯告飽禮一成也侑勸也或曰又勸之使

又食少牢饋食禮侑辭曰皇尸未實侑佐食舉幹尸受

振祭躋之佐食受加于所俎舉獸幹魚一亦如之注幹

長脅也獸腊其體數與牲同疏注釋曰云幹長脅文出下記云獸腊其體數與

牲同知者亦見下記尸實舉于菹豆注為將食庶羞舉云腊如牲骨是也

謂肺脊佐食羞庶羞四豆設于左南上有醢注庶衆也

衆羞以豕肉所以為異味四豆者曉炙載醢南上者以

曉炙為上以有醢不得絳也音義

曉許亮反炙疏注釋章夜反下同曰案

公食大夫云旁四列西北上臍以東臠臠牛炙炙南醢以酉牛歲醢注云先設醢絳之次也此四豆有醢則不得先設非絳之次故也又復一醢不得與歲炙相對相對之法炙在南醢在北歲在北醢在南如此見得絳故少牢云韭醢醢葵菹醢醢韭醢在南葵菹在北注云葵菹在北絳又云羞歲兩瓦豆有醢亦用瓦豆設于薦豆之北注云西豆亦絳羊歲在南豕歲在北此皆有醢亦得絳者以其四豆歲醢具相對故鄭皆云絳也尸

又三飯告飽祝侑之如初注禮再成也舉醢及獸魚如

初尸又三飯告飽祝侑之如初注禮三成獸魚如初者

獸醢魚一也音義

醢音格又音各後同

舉肩及獸魚如初注不復

飯者三三者士之禮大成也舉先正脊後肩自上而卻

下綽而前終始之次也音義

復扶又反下疏注釋白云同三息暫反舉先正脊

後肩自上而卻下綽而前終始之次也者先舉正脊自上也次舉脅即卻也後舉髀即下綽也終舉肩即前也前者牲體之始後者牲體之終故云終始之次也佐食盛所俎俎釋三个注佐

食取牲魚腊之餘盛於所俎將以歸尸俎釋三个為改饌於西北隅遺之所釋者牲腊則正脊一骨長脅一骨

及臠也魚則三頭而已个猶枚也今俗言物數有若干

个者此讀然音義

盛音成臠乃報反

疏

注釋曰云俎釋三个為改饌於西北隅遺之所

釋者牲腊則正脊一骨長脅一骨及肱也知者案下記云尸俎右肩臂肱肱肱正脊二骨橫脊長脅二骨短脅今尸已舉正脊一骨長脅一骨及肱肩則脊脅各有一骨在前脚三節後脚二節各舉其一訖前脚舉肩訖宜次盛臂後脚舉肱訖宜次盛肱前後各一節及橫脊短脅以歸尸前脚唯有肱在并正脊長脅各一骨為三也

舉肺脊加于所俎反黍稷于其所注尸授佐食佐食受

而加之反之也肺脊初在菹豆䟽

注釋曰經直云肺脊加於所俎鄭知尸不

自加而授與佐食佐食受而加之者約少牢云上佐食受尸俎肺正脊加于所鄭注云受者尸授之是也云肺脊初在菹豆者上文云尸實舉于菹豆是也

○主人洗角升酌醑尸注醑猶

衍也是獻尸也云醑者尸既卒食又欲頤衍養樂之不

用爵者下大夫也因父子之道質而用角角加人事略

也今文酌皆為酌音義

酌以反疏

釋曰自此盡入復位論主人獻尸及祝佐食之

事注釋曰知是獻尸者下有主婦洗爵獻尸并賓長獻尸故知此是主人獻尸也云不用爵者下大夫也者此決少牢云主人降洗爵酌酒乃酌尸用爵不用角也云因父子之道質而用角角加人事略者既辟大夫不用爵次當用觶而用角者因無臣助祭父子相養之道而用角者父子是質角加人事略得用功少故也

尸

拜受主人拜送尸祭酒啐酒賓長以肝從注肝肝炙也

古文無長疏

釋曰此直言肝從亦當如少牢賓長羞牢肝用俎縮執俎肝亦縮進末鹽在右此亦

不言者文

尸左執角右取肝換于鹽振祭臠之加于菹

不具也

豆卒角祝受尸角曰送爵皇尸卒爵主人拜尸答拜注

曰送爵者節主人拜○祝酌授尸尸以醋主人注醋報

也祝酌不洗尸不親酌尊尸也古文醋作酢音義醋才各反

疏注釋曰云祝酌不洗者尸當酢主人宜親洗爵酌酒不親洗酌尸尊故也授代酌由祝代酌故不洗也

主人拜受角尸拜送主人退佐食授授祭注退者進受

爵反位尸將嘏主人佐食授之授祭亦使祭尸食也其

授祭亦取黍稷肺祭今文授作綏疏注釋曰云授祭亦使祭尸食也者前

祝命尸授祭祭神食今命主人祭尸食亦如尸祭神食故云亦也云其授祭亦取黍稷肺祭者亦如上佐食取

黍稷肺祭授尸尸祭之相似故云亦也

主人坐左執角受祭祭之祭酒啐

酒進聽嘏注聽猶待也受福曰嘏嘏長也大也待尸授

之以長大之福也音義

嘏古雅反

佐食搏黍授祝祝授尸尸

受以菹豆執以親嘏主人注獨用黍者食之主其辭則

少牢饋食禮有焉音義

搏大官反疏

釋曰案少牢云祝與二佐食皆出盥于洗入二

佐食各取黍於一敦上佐食兼受搏之以授尸尸執以

命祝卒命祝祝受以東北面于戶西以嘏于主人但少

牢不親嘏者大夫尸尊又大夫禮文此親嘏者士尸卑

禮質故也注釋曰云其辭則少牢饋食禮有焉者案少

牢云祝以嘏于主人曰皇尸命工祝承致多福無疆于

女孝孫來女孝孫使女受祿于天宜稼于田眉壽萬年

勿替引之是也云獨用黍者食之主者案上文云爾黍于席上不云爾稷者以稷雖五穀之長不如黍之美故云食之主是以喪大記云君沐梁大夫沐稷士沐粱士喪禮士沐稻諸侯之士鄭注云差率而上天子黍是黍為穀之貴也

主人左執角再拜稽首受復位詩懷之實于左袂挂于季指卒角拜尸答拜注詩猶承也謂奉納之懷

中季小也實于左袂挂祛以小指者便卒角也少牢饋

食禮曰興受黍坐振祭嚌之音義

挂俱賣反一音卦注同奉芳勇反

疏

注釋曰云挂祛以小指者便卒角也但左手執角右手挂祛以小指不于左手言便卒角者飲酒之時恐其遺落故挂以小指故云便卒角也

主人出寫嗇于房祝以籩受注變黍言

晉因事託戒欲其重稼晉晉者農力之成功疏

釋曰案少牢云

主人出宰夫以籩受黍黍主人嘗之納諸內此大夫尊不似有入房直見大夫出宰夫以籩受此主人寫黍于房祝以籩受以其士賤散也注釋曰云變黍言晉因事託戒欲其重稼晉者以黍者五穀之名非農力成功之稱故以黍為晉欲其重稼晉故少牢鄭注云秋斂曰晉是用農力之言也

○筵祝南面注主

人自房還時主人酌獻祝祝拜受角主人拜送設菹醢

俎注行神惠也先獻祝以接神尊之菹醢皆主婦設之

佐食設俎疏

注釋曰此先佐食以佐食接尸故後獻之祝接神先獻之云菹醢皆主婦設之佐食

設俎知者前獻尸時菹醢主婦設之亞獻及致爵于主人籩豆亦皆主婦設之則此設菹醢亦主婦可知又知

佐食設俎約少牢主人獻祝佐食設俎故此亦佐食設俎可知

祝左執角祭豆興取肺

坐祭濟之興加于俎坐祭酒啐酒以肝從祝左執角右

取肝換于鹽振祭濟之加于俎卒角拜主人答拜受角

酌獻佐食佐食北面拜受角主人拜送佐食坐祭卒角

拜主人答拜受角降反于籩升入復位疏

釋曰云主人答拜受角酌

獻佐食者案上獻祝有俎此獻佐食不言俎者上經云執事之俎陳於階間二列北上鄭注云執事謂有司以佐食亦在有司內者下記云佐食俎獻折脊脅也又下經賓長獻節鄭注云凡獻佐食皆無從其薦俎獻兄弟以齒設之若少牢獻佐食俎即設于兩階之間西上大夫將賓尸故即設佐食俎至於賓尸時佐食無俎也

○主婦洗爵于房酌亞獻尸注亞次也次猶貳主婦貳

獻不夾拜者士妻儀簡耳疏

釋曰自此盡以爵入于房論主婦獻尸祝及佐食之

事注釋曰云主婦貳獻不夾拜者士妻儀簡耳者此決少牢主婦亞獻尸時夾拜此士妻下之故云儀簡耳

尸拜受主婦北面拜送注北面拜者辟内子也大夫之

妻拜於主人北西面疏

注釋曰案少牢云主婦洗于房中出酌入户西面拜獻尸鄭注

云入户西面拜由便也不北面者辟人君夫人也拜而後獻者當夾拜也又云尸拜受主婦主人之北西面拜送爵是也若大夫妻貴辟人君夫人

士妻賤不嫌得與人君夫人同也宗婦執兩籩戶外

坐主婦受設于敦南注兩籩棗栗棗在西疏

注釋曰知者案下記

云籩巾以綵也。繡裏棗烝栗擇是也。知棗在西者案士
虞禮主婦亞獻尸時云自反兩籩栗棗設于會南。棗在
西鄭云尚棗。
棗美故知也。
祝贊籩祭尸受祭之祭酒啐酒注籩祭棗

栗之祭其祭之亦於豆祭疏

注釋曰知者見上經尸按祭時云右手取菹換于醢

祭于豆間又佐食取黍稷肺祭授尸尸祭之不言其處
明亦祭于豆間今此祝贊籩祭之亦不言其處亦祭於
豆間可知又案有司徹云尸取韭菹換于豆祭于豆間
又尸取麴蕡宰夫贊者取白黑以授尸尸受兼祭于豆
祭是籩豆同
祭于豆間也
兄弟長以燔從尸受振祭齊之反之注燔

炙肉也音義

燔音煩

疏

釋曰云反之者謂反燔于長兄弟

羞燔者受加于

所出注出者俟後事也疏

注釋曰云俟後事者謂俟主婦獻祝之時更當羞燔于祝

知者約上文主人獻尸云賓長以肝從至獻祝時但以肝從不言其人明亦賓長可知此下文主婦獻祝遵燔從如初儀明獻祝時亦長兄弟
羞燔可知故鄭注云俟後事也

尸卒爵祝受爵命送

如初注送者送卒爵○酢如主人儀注尸酢主婦如主

人儀者自祝酌至尸拜送如酢主人也不易爵辟內子

疏注釋曰云尸酢主婦如主人儀者自祝酌至尸拜送

如酢主人也者言此上則如之其異者不並取也謂

主人受佐食按自祭之此佐食錯按于地主婦撫之而

已是也云不易爵辟內子者以經云酢如主人儀上尸

酢主人時不易爵故此主婦受酢亦不易爵可知男女

不相襲爵所以今襲爵者辟內子是以少牢云祝受尸

爵尸答拜易爵洗酌授尸主婦

拜受爵尸答拜是其易爵也

主婦適房南面佐食按

祭主婦左執爵右撫祭祭酒啐酒入卒爵如主人儀注

撫按祭示親祭佐食不授而祭於地亦儀簡也入室卒

爵於尊者前成禮明受惠也疏

注釋曰云佐食不授而祭於地亦儀簡也者少

牢大夫妻云上佐食按祭主婦西面於主人之北受祭

祭之此佐食祭於地主婦撫之而已故云亦儀簡云亦

者亦前不

夾拜也 ○獻祝籩饔爓從如初儀及佐食如初卒以爵

入于房注及佐食如初如其獻佐食則拜主人之北西

面也疏

注釋曰此無正文以佐食北面拜受主婦不空與佐食同面拜送又言如初明與主人同西面

拜故鄭云拜主人之北西面與內子同

○賓三獻如初爓從如初爵止注

初亞獻也尸止爵者三獻禮成欲神惠之均於室中是

以奠而待之疏

釋曰自此盡卒復位論賓長獻尸及佐食并主人主婦致爵之事此一科之內

乃有十一爵賓獻尸一也主婦致爵于主人二也主人
酢主婦三也主人致爵于主婦四也主婦酢主人五也
尸舉奠爵酢賓長六也賓長獻祝七也又獻佐食八也
賓又致爵于主人九也又致爵于主婦十也賓受主人
酢十一也注釋曰云初亞獻也者知不初獻者以主婦
亞獻承初獻後賓長又承亞獻後故知如亞獻不得如
初獻也又面位及燔從皆如亞獻也云三獻禮成欲神
惠之均於室中是以奠而待之者謂尸得三獻而禮成
言其實飲三爵祝與佐食亦得三獻主人主婦各得一
酢而已未得獻是神惠未均奠而待之者待主人主婦
致爵乃均也案下文衆賓長為加爵如初爵止鄭注云
尸止爵者欲神惠之均于在庭止得一獻亦言均則不

以爵數為均直據得一獻則為均也

○席于戶內注為主人鋪之西面席

自房來主婦洗爵酌致爵于主人主人拜受爵主婦拜

送爵注主婦拜拜於北面也今文曰主婦洗酌爵疏

注釋

曰云主婦拜拜於北面也者約有司儻尸於堂主婦致爵于主人主人致爵于主婦北面于阼階上答拜是也

宗婦贊豆如初主婦受設兩豆兩籩注初贊亞獻也主

婦薦兩豆籩東面也疏

注釋曰上主婦亞獻時但云宗婦執兩籩又云祝贊籩祭無豆

此云贊豆如初明贊豆之時與贊籩同故得言如初知東面者以主人西面故知也

俎入設注佐

食設之疏

注釋曰知佐食設之者見有司下大夫不儻尸者主婦致爵於主人時佐食設俎彼室內

行事與士禮略同故鄭
約之知佐食設之也

主人左執爵祭薦宗人贊祭奠

爵興取肺坐絕祭臠之興加于俎坐掄手祭酒啐酒注

絕肺祭之者以離肺長也少儀曰牛羊之肺離而不提

心豕亦然掄拭也掄手者為絕肺染汙也桴肺不掄手

古文掄皆作說音義

提丁

疏

注釋曰引少儀者彼注云

禮反

提

猶絕也不絕中央少許

者引之證離肺長而不絕故須絕之云桴肺不掄手者
以其先已斷絕取祭之不須以手絕之故不掄手也

肝從左執爵取肝換于鹽坐振祭臠之宗人受加于俎

燔亦如之興席末坐卒爵拜注於席末坐卒爵敬也一

酌而備再從而次之亦均疏

注釋曰此決上主人獻尸賓長以肝從主婦獻尸凡

弟以燔從今一酌而肝燔從則與尸等故云亦均亦者亦上酒均於堂內

主婦答拜受爵酌

醋左執爵拜主人答拜坐祭立飲卒爵拜主人答拜主

婦出反于房○主人降洗酌致爵于主婦席于房中南

面主婦拜受爵主人西面答拜宗婦薦豆俎從獻皆如

主人主人更爵酌醋卒爵降實爵于篚入復位注主人

更爵自酢男子不承婦人爵也祭統曰夫婦相授受不

相襲處酢必易爵明夫婦之別古文更為受疏

注釋曰云主人

更爵自酢男子不承婦人爵也者案上主婦獻尸尸酢
主婦不易爵鄭注云辟內子致爵于主人則易爵也若
然案下記設洗篚在洗西實二爵鄭注云二爵者為賓
獻爵止主婦當致也此賓長所獻爵尸奠之未舉其篚
唯有一爵得云易者上主婦亞獻洗爵于房中則房中
有爵又主婦獻祝及佐食訖以爵入于房後主婦致爵
于主人還是房內爵後主人致爵于主婦者是下篚之
爵主婦飲訖實于房中之篚主人更取房內之爵以酌
酢酢訖奠于下篚云主人更爵者謂酌酢爵與房內爵
相更鄭注下記云主婦當致者謂主人致爵於主婦則
用下篚
內爵也 ○三獻作止爵注賓也謂三獻者以事命之作

起也舊說云賓入戶北面曰皇尸請舉爵尸卒爵酢酌
獻祝及佐食洗爵酌致于主人主婦燔從皆如初更爵

酢于主人卒復位注洗乃致爵為異事新之燔從皆如初者如亞獻及主人主婦致爵也凡獻佐食皆無從其薦俎獻兄弟以齒設之賓更爵自酢亦不承婦人爵疏注釋曰此決上文賓獻尸獻祝及佐食皆不洗今致于主人洗故決之也案下篇不饋尸洗爵致于主人注云以承佐食賤新之此云為異事新之注不同者但為異事異事則是承賤承賤後則事異言雖不同理則一也云燔從皆如初者如亞獻及主人主婦致爵者謂如上主婦亞獻尸及祝皆燔從及主人主婦致爵皆肝從燔從此雖云如初則無肝從故經云燔從皆如初云凡獻佐食皆無從者謂主人主婦及賓長獻佐食皆無從故云凡鄭言此者以經獻祝及佐食洗爵致于主人主婦燔從皆如初在獻佐食下嫌獻佐食亦然有燔從故鄭

辯之若然佐食得獻與祝得獻同亦得如初但無從為異云其薦俎獻兄弟以齒設之者以上佐食得獻時不見有設薦俎之文下記云佐食於旅也齒於兄弟故佐食薦俎亦與兄弟同時設之也

○主人降

阼階西面拜賓如初洗注拜賓而洗爵為將獻之如初

視濯時主人再拜賓答拜三拜衆賓衆賓答再拜者疏

釋曰自此盡實爵于篚論獻賓及衆賓之事也

賓辭洗卒洗揖讓升酌西階上

獻賓賓北面拜受爵主人在右答拜注就賓拜者此禮

不主於尊也賓卑則不專階主人在右統於其位疏

注釋

曰云就賓拜者此禮不主於尊也者案鄉飲酒鄉射賓主獻酢各於其階至酬乃同階此因祭而獻賓非為尊

之所尊者謂尸也又賓是士家有司卑不得專階故就之使不得專階也對鄉飲酒鄉射得專階也云主人在右統於其位者以其賓得在西階上北面以東為右主人位在阼階故云統於其位鄭言此者主人就西階異於飲酒主人在右則與飲酒禮同以言主人常居右也

薦脯醢設折俎注凡節解

者皆曰折俎不言其體略云折俎非貴體也上賓骼徹

賓儀公有司設之疏

注釋曰案下記云賓骼鄭云骼左

折俎明凡節解牲體皆曰折升于俎故名折俎與臠折同名其折義則異彼折骨云不言其體略云折俎非貴體也者案下記云賓骼骼是牲體此經云折俎者亦用骼非貴體故略云折俎若然經尸俎祝佐食及主人主婦俎體皆不言之而鄭注獨云賓俎不言體者尸祝等經不言牲體亦不言折以其體貴故也此賓俎不言牲

體而言折明非貴體也云上賓體衆賓儀者案下記唯
云賓體其衆賓已下皆殺脊不言儀者鄭見有司徹主
人獻賓司士設俎羊體一又云衆賓長拜受爵其脊體
儀也注云儀者尊體盡儀度餘骨可用而用之尊者用
尊體卑者用卑體而已是也云公有司設之者此即有
司徹云司士設俎羊體一衆賓脊體儀是也此下文云
有司在門西則此設俎者也

賓左執爵祭豆奠爵興取肺坐絕祭臠

之興加于俎坐執手祭酒卒爵拜主人答拜受爵酌酢

奠爵拜賓答拜注主人酌自酢者賓不敢敵主人主人

達其意疏

注釋曰云賓不敢敵主人主人達其意者以
其賓是士之有司之中以卑不敢與主人為

敵酢之是以主人酌以自酢達賓意故也若鄉飲
酒鄉射賓皆親酢主人以其賓尊行敵禮故也

主人

坐祭卒爵拜賓答拜揖執祭以降西面奠于其位位如

初薦俎從設注位如初復其位東面少牢饋食禮宰夫

執薦以從設于祭東司士執俎以從設于薦東是則皆

公有司為之與音義

與音餘

疏

注釋曰以賓位在西階下東面今受獻於西階上經

云執祭以降西面奠于其位又言位如初明復西階下東面位可知也

○衆賓升拜受爵

坐祭立飲薦俎設于其位韡主人備答拜焉降實爵于

篚注衆賓立飲賤不備禮鄉飲酒記曰立卒爵者不拜

既爵備盡盡人之答拜音義

韡音遍後皆同

○尊兩壺于阼階

東加勺南枋西方亦如之注為酬賓及兄弟行神惠不酌上尊卑異之就其位尊之兩壺皆酒優之先尊東方示惠由近禮運曰澄酒在下音義

勺時灼反疏釋曰自此盡揖復位論堂

下設尊酬賓之事注釋曰云行神惠不酌上尊卑異之者決上文獻賓及兄弟皆酌上尊者獻是嚴正故得與神靈共尊至此旅酬禮褻故不敢酌上尊案司尊彝職四時之祭云皆有疊諸臣之所酢少牢上下大夫堂下皆無尊者士卑得與人君同大夫尊辟人君故也云兩壺皆酒優之者設尊之法皆有玄酒今兩壺皆酒無玄酒優之也案玉藻云惟饗野人皆酒鄭云飲賤者不備禮與此注無玄酒為優之異者此士之祭禮欲得尊賓嘉客以事其先非賤者故以皆酒為優之彼饗野人野人是賤者故以不備禮解之也云先尊東方示惠由近

者東方主人位西方賓位今先設東方乃設西方者見酒由主人來故云示惠由近為始也引禮運者彼注澄為沈齊酒是三酒酒所以飲諸臣證此壺尊亦飲在下者也

主人洗觶酌于西方之

尊西階前北面酬賓賓在左注先酌西方者尊賓之義

主人奠觶拜賓答拜主人坐祭卒觶拜賓答拜主人洗

觶賓辭主人對卒洗酌西面賓北面拜注西面者鄉賓

位立於西階之前賓所答拜之東北音義

鄉許亮反

疏

注釋曰以

經云主人對卒洗酌西面賓北面拜主人西面授賓北面答拜明主人不得南過於賓故鄭以義言之云立於西階之前賓所答拜之東北也

主人奠觶于薦北注奠酬於薦左非為

其不舉行神惠不可同於飲酒疏

注釋曰以其神惠右不舉生人飲酒左不

舉今行神惠不可同於飲酒故奠於左與生人相變故有司徹云二人舉觶酬尸侑奠觶於右鄭注云奠于右者不舉也神惠右不舉變於飲酒是也此酬奠於薦左下文賓舉為旅酬以其神惠故也言不可同飲酒者謂不可同於鄉飲酒故鄉飲酒記云將舉者於右奠者於左其義與此別此下文奠觶於薦南明將舉以初在北飲酒將舉奠於薦南便其復舉

賓坐取觶還東面拜主人答拜賓奠觶

于薦南揖復位注還東面就其位薦西奠觶薦南明將

舉疏

注釋曰云揖復位者則初奠時少南於位可知云還東面者則初賓坐取觶薦東西面可知故鄭注

云還東面就其位薦西也

○主人洗爵獻長兄弟于阼階上如賓儀

注酬賓乃獻長兄弟者獻之禮成於酬先成賓禮此主

人之義亦有薦胥設于位私人為之與音義

胥之

疏

釋曰

自此盡如衆賓儀論主人獻長兄弟及衆兄弟之事注釋曰云酬賓乃獻長兄弟者獻之禮成於酬者以其獻賓之禮以酬副之乃禮成故冠禮云乃禮賓以一獻之禮鄭注云獻酢酬賓主人各兩爵而禮成又鄉飲酒獻及酬賓訖乃獻介又此文獻賓即酬賓乃獻兄弟故鄭注獻之禮成於酬也云亦有薦胥設于位者以經云獻長兄弟于阼階上如賓儀則長兄弟初受獻于阼階上時亦薦脯醢設折俎於阼階上祭訖乃執以降設于下位皆當如賓儀鄭下注云設薦俎於其位者據執祭以降及其位而言也言亦者亦賓鄭必知有薦俎者見於下記云長兄弟及宗人折是也云私人為之與者私人者即私臣下記云私臣門東北面西上是也以賓薦公

有司設之則兄弟薦俎私人可知以無正文故言與以疑之也

○洗獻衆兄弟如衆賓

儀注獻卑而必為之洗者顯神惠此言如衆賓儀則知

獻衆賓洗明矣疏

注釋曰云此言如衆賓儀則知獻衆賓洗明矣者以其士獻衆賓時雖不

言洗此云洗獻衆兄弟如衆賓儀明獻衆賓洗可知不言之者舉下以明上省文之義故也

○洗獻

內兄弟于房中如獻衆兄弟之儀注內兄弟內賓宗婦

也如衆兄弟如其拜受坐祭立飲設薦俎於其位而立

內賓位在房中之尊北不殊其長略婦人也有司徹曰

主人洗獻內賓於房中南面拜受爵疏

釋曰自此盡入復位論主人獻

姑姊妹及宗婦之事注釋曰云內賓宗婦也者此總云內兄弟下記云內賓宗婦案彼注云內賓姑姊妹宗婦族人之婦若然兄弟者服名故號婦人為兄弟也云其位在房中之尊北者案下記云尊兩壺于房中西墉下南上內賓立于其北東面南上宗婦北堂東面北上是也云不殊其長略婦人者決上文獻賓於西階上獻兄弟於阼階上皆殊其長此不殊故云略之引有司徹者欲見此內賓受獻時亦南面拜受爵故下注云內賓之長亦南面答拜言亦者亦前受獻時前雖無文約有司徹內賓之長亦南面答拜

主人西面答

拜更爵酢卒爵降實爵于籩入復位注爵辯乃自酢以

初不殊其長也內賓之長亦南面答拜疏

注釋曰云爵辯乃自酢以

初不殊其長也者對上賓與長兄弟不待獻衆賓衆兄弟徧主人先自酢也云內賓之長亦南面答拜者獻時

不殊其長酢時猶如賓及兄弟殊其長與
男子同男子婦人衆賓以下皆無酢也

○長兄弟洗

觶為加爵如初儀不及佐食洗致如初無從注大夫士

三獻而禮成多之為加也不及佐食無從殺也致致於

主人主婦音義

殺所界反下皆同

疏

釋曰此一經論士三獻之外為加獻尸之事云如初

儀者如賓長三獻之儀但賓長獻十一爵此兄弟之長
加獻則降唯有六爵以其闕主人主婦致爵并酢四爵
及獻佐食五唯有六在者洗觶為加獻一也尸酢長兄
弟二也獻祝三也致爵於主人四也致爵於主婦五也
受主人酢六也注釋曰云大夫士三獻而禮成者天子
大祫十有三獻四時與禘唯有九獻上公亦九獻侯伯
七獻子男五獻卿大夫士畧同三獻而祭禮成也是以
多之者為加若生人飲酒禮卿大夫三獻士唯一獻而

已祭禮士與大夫同者攝盛葬奠亦與大夫同少牢五鼎又乘車建旌亦與卿大夫同也

○衆賓長

為加爵如初爵止注尸爵止者欲神惠之均於在庭疏

注釋曰庭賓及兄弟雖得一獻未得旅酬其尸得三獻又別受加爵故停之使庭行旅酬是以云尸爵止者欲神惠之均於在庭也 ○嗣舉奠盥入北面再拜稽首注嗣主人將

為後者舉猶飲也使嗣子飲奠者將傳重累之者大夫

之嗣子不舉奠辟諸侯音義

傳文專反

疏

釋曰自此盡出復位論嗣子飲奠酌

獻之事注釋曰云嗣主人將為後者不言適而言將為後者欲見無適長立庶子及同宗為後皆是故汎言將為後也云舉猶飲也者非謂訓舉為飲直是嗣子舉而飲之耳云將傳重累之者謂將使為嗣牽累崇敬承重

祭祀之事是以使飲之而獻也云大夫之嗣子不舉奠
辟諸侯者案文王世子云其登餞獻受爵則以上嗣注
云上嗣君之適長子以特牲饋食禮言之受爵謂上嗣
舉奠也獻謂舉奠洗爵酌入也餞謂宗人遣舉奠盥祝
命之餞也大夫之嗣無此禮辟君也今案少牢無嗣子
舉奠之事故此注云辟諸侯士卑不嫌得與人君同故
有嗣子舉奠之事也奠者即上文祝酌奠奠於鉶南是
也郊特牲云舉殯角詔安尸鄭注云尸始入舉奠殯若
奠角將祭之祝則詔主人拜安尸使之坐尸即至尊之
坐或時不自安則以拜安之天子奠殯諸侯奠角彼鄭
注意亦引此特牲尸執奠進受復位祭酒啐酒尸舉肝
祝酌奠于鉶南也

舉奠左執觶再拜稽首進受肝復位坐食肝卒觶拜尸
備答拜焉注食肝受尊者賜不敢餘也備猶盡也每拜

答之以尊者與卑者為禮略其文耳古文備為復疏

釋曰

直言受肝明有鹽是以下記云嗣舉奠佐食設豆鹽是也注釋曰云食肝受尊者賜不敢餘也者食之當盡以其食若不盡直云齊之而已

舉奠洗酌入尸拜受舉奠

此經云食肝明不敢餘也

答拜祭酒啐酒奠之舉奠出復位注啐之者答其欲酢

已也奠之者復神之奠觶嗣齒於子姓凡非主人升降

自西階疏

注釋曰云啐之者答其欲酢已也者鄉飲酒鄉射主人獻賓賓皆啐酒洗爵即酢主人此

嗣子獻尸尸啐之以亦欲酢已故啐之其實無酢也云嗣齒於子姓者姓之言生子之所生謂孫行者今嗣亦孫之流故齒之也云凡非主人升降自西階者案曲禮云為人子者升降不由阼階是以雖嗣子亦宜升降自

西階適子孫不升作階故於此總言凡也

○兄弟弟子洗酌于東方之尊作

階前北面舉觶于長兄弟如主人酬賓儀注弟子後生

也疏

釋曰自此盡乃羞論弟子舉觶將行旅酬之事云如主人酬賓儀者謂如上文主人酬賓就其階同

北面並拜乃飲卒爵拜洗酌乃西面賓北面拜儀故言如此亦然弟子洗觶酌於東方之尊作階前東面獻長兄弟長兄弟北面拜受弟子奠於薦南長兄弟坐取觶還西面拜弟子北面答拜長兄弟奠於薦北揖復位若有司徹云兄弟之後生者舉觶於其長長在左弟子自飲訖升酌降長拜受於其位舉爵者東面答拜鄭注云拜受答拜不北面者儻尸禮殺此不儻尸則拜送皆北面可知也注釋曰弟子後生者此即有司徹云兄弟之後生者是也

○宗人告祭胥注胥俎也所告者衆賓兄弟內

賓也獻時設薦俎于其位至此禮又殺告之祭使成禮

也其祭皆離肺不言祭豆可知音義

胥之丞反

疏

注釋曰云告祭胥者

謂告衆賓之等知無長賓者以其初得獻時即祭肺於階上此獻時乃設薦俎于其位故此無長賓也上文獻長兄弟如賓儀則亦獻時祭可知故知宗人所告告衆賓衆兄弟內賓也云獻時設薦俎於其位者得獻時乃薦于堂下及房內之位云至此禮又殺告之祭使成禮也者案上文加爵致爵不及佐食無從殺也此告之祭使成禮是再殺故云又殺也云其祭皆離肺者已於記文解之也云不言祭豆可知者以衆賓言薦俎從設言薦即豆也故云乃羞注羞庶羞也下尸載醢豆而已此不言祭豆可知

所羞者自祝主人至於內賓無內羞疏

注釋曰知羞非薦羞者上文受

獻時皆設薦俎於其位故知此羞乃是庶羞非薦也云
下尸載醢豆而已者上為尸佐食羞庶羞四豆設於左
鄭注四豆醢炙載醢此祝以下庶羞降于尸當去醢炙
故云載醢豆而已云此所羞者自祝主人至於內賓者
言自祝下及內賓衆賓兄弟皆在可知又下記云公有
司獻次衆賓私臣獻次兄弟則內賓亦及之是以少牢
下篇云乃羞庶羞于賓兄弟內賓及私人不備尸亦云
乃羞于賓兄弟內賓及私人辯是也若然少牢與有司
徹饌尸與不饌尸庶羞與房中羞皆與尸佐食及祝主
人主婦皆同時羞之者彼上下大夫禮尊故得與尸同
時羞此士禮卑故不得與尸同也云無內羞者以其尸
尊尚無內羞況祝卑故無內羞也

○賓坐取

解阼階前北面酬長兄弟長兄弟在右注薦南奠解疏

釋曰自此盡實解于筵論行旅酬之間作止爵之事但
此特牲之禮堂下行旅酬竝無算爵在室中者不與旅

酬之事上大夫備尸尸與旅酬不與無算爵之事故別使二人舉觶於尸侑尸侑得舉為旅酬徧及堂下尸與旅酬者以其備尸在堂禮後改殺故也若下大夫不備尸者堂下無旅酬直行無算爵而已尸則不與之所以下大夫無旅酬直行無算爵者以其禮尸於室中辟國君堂下不設尊故無旅酬直行無算爵而已以其堂上與神靈共尊不得與尸行旅酬故闕之此特牲堂下得旅酬無算爵並行者以其堂下與神靈別尊故為加爵禮尸於室中酌上尊室下旅酬行神惠酌下尊故上下大夫及士之祭禮旅酬及無算爵或行或不皆參差不等也賓酬長兄弟長兄弟在右下文長兄弟酬眾賓長自左受旅如初是賓主相酬主人常在東其同在賓中則受酬者在左若鄉飲酒賓酬主人主人立於賓東主人酬介介立於主人之西其眾賓受介酬者自介右鄭注云尊介使不失故位眾受酬者受自左異其義也賓主相酬各守其位不以尊卑變同類之中受者於左尊

也右賓奠觶拜長兄弟答拜賓立卒觶酌于其尊東面立

長兄弟拜受觶賓北面答拜揖復位注其尊長兄弟尊

也此受酬者拜亦北面疏

釋曰以其旅酬無算爵以飲者酌已尊酬人之時酌彼尊

是各自其酒故無算爵賓弟子及兄弟弟子舉觶於其長各酌于其尊也注釋曰云此受酬者拜亦北面者以經長兄弟拜受觶不言面位故鄭云受酬者拜亦北面言亦者亦賓北面也長兄弟西階前

北面衆賓長自左受旅如初注旅行也受行酬也初賓

酬長兄弟長兄弟卒觶酌于其尊西面立受旅者拜受

長兄弟北面答拜揖復位衆賓及衆兄弟交錯以辯皆

如初儀注交錯猶言東西○為加爵者作止爵如長兄

弟之儀注於旅酬之間言作止爵明禮殺竝作疏

釋曰前衆

賓之長為加爵如初爵止今還使為加爵者作止爵也故云如長兄弟之儀注釋曰云於旅酬之間言作止爵明禮殺竝作者此決上文賓三獻爵止鄭注云三獻禮成欲神惠之均于室中是以奠而待之故有室中主人主婦致爵訖乃三獻作止爵此衆賓長為加爵如初爵止鄭注云尸爵止者欲神惠之均于在庭而堂下庭中行旅酬未訖為加爵者作止爵故鄭注云禮殺竝作也○長兄弟酬賓如賓酬兄

弟之儀以辯卒受者實解于筵注長兄弟酬賓亦坐取其奠解此不言交錯以辯賓之酬不言卒受者實解于

篚明其相報禮終於此其文省疏

注釋曰云長兄弟酬賓亦坐取其奠解者

亦謂亦上賓坐取薦南奠解此長兄弟所舉奠解者即上弟子舉解於其長是也云明其相報禮終於此其文省者以其賓舉奠解於長兄弟行旅酬盡皆徧長兄弟舉解於賓行旅酬亦皆徧故云相報禮終言明者嫌其不終所以嫌者賓之酬不言卒受者此不言交錯以辯嫌其不卒不辯其實賓之酬亦卒受者賓解于篚此亦交錯以辯故

鄭云文省也

○賓弟子及兄弟弟子洗各酌于其尊中

庭北面西上舉解於其長奠解拜長皆答拜舉解者祭卒解拜長皆答拜舉解者洗各酌于其尊復初位長皆拜舉解者皆奠解於薦右注奠解進奠之于薦右非神

惠也今文曰奠于薦右疏

釋曰自此盡爵無算論二解並行無算爵之事注釋曰云

奠觶進奠之於薦右非神惠也者案上尊兩壺於阼階東加勺南柄西方亦如之鄭注云為酬賓及兄弟行神惠至此云非神惠者彼三獻止爵欲得神惠均于室中衆賓長為加爵止爵者欲神惠均于在庭故止爵行旅酬雖以尸而奠爵待之亦得為神惠至此別為無算爵在下自相勸故得為非神惠故奠於薦右同於生人飲酒舉者奠於薦右也長皆執以興舉觶者皆復位答拜長皆奠觶

于其所皆揖其弟子弟子皆復其位注復其位者東西

面位弟子舉觶於其長所以序長幼教孝弟凡堂下拜

亦皆北面疏

注釋曰云復其位者東西南面位者上既言皆復位答拜此復重云復位則上文復位

復在庭初舉北面位此重言復位者當復東西面位可知云凡堂下拜亦皆北面者前主人酬賓弟子舉觶於其長行旅酬又無算爵兄弟弟子賓弟子舉觶皆北面則知凡堂下雖不見面位者皆北面拜可知云凡者賓以下至於私人拜受爵皆無算注算數也賓取觶酬兄送皆北面故云凡也

弟之黨長兄弟取觶酬賓之黨唯已所欲亦交錯以辯無次第之數因今接會使之交恩定好優勸之○利洗散獻于尸酢及祝如初儀降實散于篚注利佐食也言利以今進酒也更言獻者以利侍尸禮將終空一進酒嫌於加酒亦當三也不致爵禮又殺也音義

散悉但反下皆同

疏

釋曰自此盡西序下論佐食獻尸祭祀畢之事注釋曰云利佐食也言利以今進酒也者利與佐食乃有

二名者以上文設俎啓會爾敦之時以黍稷為食故名佐食今以進酒酒所以供養故名利利即養也故鄭云以今進酒也若然少牢名佐食上利執豕俎者大夫禮文故即兩見其名云更言獻者以利待尸禮將終宜一進酒嫌於加酒亦當三也者此決兄弟長及衆賓長為加爵於尸不言獻今進酒更言獻不言加爵故鄭君解其義意以利待尸禮將終宜一進酒不似長兄弟助宗子祭祀為加爵衆賓之長助主人祭祀設為加爵嫌此佐食同彼二者為加爵故變言獻是以鄭云嫌亦當三也亦者亦上主人獻主婦獻賓長獻為三也長兄弟為加爵衆賓長為加爵通洗散獻尸亦三都并尸飲六士祭事尸禮畢也云不致爵禮又殺也者上文云長兄弟洗觚為加爵如初儀不及佐食洗致如初無從注云不及佐食無從殺也此又不致故云又殺也

○主人出立于戶外西面注事尸禮畢祝東面告利成
注利猶養也供養之禮成不言禮畢於尸間之嫌音義
養羊亮反下疏釋曰少牢云主人出立于阼階上西面
同供九用反祝出立于西階上東面祝告曰利成此
戶外告利成彼階上告利成以尊者稍遠於尸若天子
諸侯禮畢於堂下告利成故詩楚茨云禮儀既備鍾鼓
既戒孝孫徂位工祝致告鄭注云鍾鼓既戒戒諸在廟
中者以祭禮畢孝孫徂位堂下西面位也祝於是致孝
孫之意告尸以利成是尊者告利成遠於尸也注釋曰
云不言禮畢於尸間之嫌者間閒無事若然禮畢則
於尸間閒無事有發遣尸尸謬祝前主人降注謬起也
之嫌故直言利成而已也

前猶導也少牢饋食禮曰祝入尸謬主人降立于阼階

東西面祝先尸從遂出于廟門前尸之儀士虞禮備矣

音義

謏所疏注釋曰引少牢者證大夫禮主人立位與六反士不同又證前尸出廟之事云前尸之儀

士虞禮備矣者彼有室中出尸降階出廟前尸之事故云備矣祝反及主人入復位命

佐食徹尸俎俎出于廟門注俎所載於所俎少牢饋食

禮曰有司受歸之疏

注釋曰引少牢者是少牢下篇有司徹下大夫不賓尸之禮彼云佐

食徹尸俎佐食乃出尸俎于廟門外有司受歸之此士禮不備尸與下大夫同故引以相證也徹庶羞

設于西序下注為將餞去之庶羞主為尸非神饌也尚

書傳曰宗室有事族人皆侍終日大宗已侍於賓奠然

後燕私燕私者何也已而與族人飲也此徹庶羞置西

序下者為將以燕飲與然則自尸祝至於兄弟之庶羞

宗子以與族人燕飲於堂內賓宗婦之庶羞主婦以燕

飲於房音義

為于偽反去起
呂反飲與音余

疏

注釋曰知非神饌而云
為尸者以其尸三飲後

始薦庶羞故徹之乃餽也凡餽者尸餽鬼神之餘祭者
餽尸之餘義取鬼神之惠徧廟中庶羞非鬼神惠故不
用也引尚書傳已下者是彼康誥傳文大宗已待於賓
奠者或有作養或有作暮者皆誤以真為正也引之者
證徹庶羞不入于房而設于西序下以擬燕故也必知
祭有燕者案楚茨詩云鼗鼓鍾送尸下云備言燕私鄭注
云祭祀畢歸賓客之俎同姓則留與之燕所以尊賓客
親骨肉也其上大夫當日饋尸安有燕故有司徹上大

夫云主人退注云反於寢也是無燕私者下大夫不備尸與此士禮同亦當有燕也云與者以經直言設于序下不言燕疑之引書傳為證有燕故言與以疑之也云然則自尸祝以下知義如此者以兄弟受獻於堂下主婦內賓受獻於房中尸出之後堂房無

事故知燕時男子在堂婦人在房可也

○筵對席佐食

分簋釶注為將餽分之也分簋者分敦黍於會為有對也敦有虞氏之器也周制士用之變敦言簋容同姓之士得從周制耳祭統曰餽者祭之末也不可不知也是故古之人有言曰善終者如始餽其是已是故古之君子曰尸亦餽鬼神之餘也惠術也可以觀政矣疏

釋曰
自此

畫戶外西面論嗣子共長兄弟對餞之事注釋曰云敦有虞氏之器者禮記明堂位云有虞氏之兩敦上文黍稷之敦是周制士用之云言簋容同姓之士得從周制耳者大夫異姓既用異代之器故少牢特牲皆用敦則同姓之士當同周制用簋故經言分簋是以文王世子鄭注亦云同姓之士總衰異姓之士疑衰亦同姓與異姓別也引祭統者證餞是鬼神之惠徧廟中若國君之惠徧境內是可以觀政之事也宗人遣舉

奠及長兄弟盥立于西階下東面北上祝命嘗食養者舉奠許諾升入東面長兄弟對之皆坐佐食授舉各一

膚注命告也士使嗣子及兄弟養其惠不過族親古文

簋皆作餞音義

簋子峻反與餞同

疏

釋曰此決下篇少牢二佐食及二賓長餞明惠大及

異姓不止
族親而已

主人西面再拜祝曰養有以也兩養奠舉于

俎許諾皆答拜注以讀如何其久也必有以也之以祝

告養釋辭以戒之言女養此當有所以也以先祖有德

而享于此祭其坐養其餘亦當以之也少牢饋食禮不

戒者非親昵也舊說曰主人拜下養席南音義

以依註音似或

如字女音

疏

注釋曰云以讀如何其久也必有以也之

以者此辭在詩邶風旄丘篇必有以也從

汝下同

之者以此經云有以也者以先祖有功德子孫當嗣之
而廟食先祖有德亦合享此祭故讀從之也是以彼注
亦云我君何以久留於此乎必以衛有功德故也云其
坐養其餘亦當以之也者亦謂亦似其先祖已上皆為

以為似者誤也云少牢饋食禮不戒者非親昵也者謂二佐食與二賓長是非親昵也引舊說者以經直言主人西面拜不見其處故引舊說以明下養席南

若是者三注丁寧戒之皆取舉

祭食祭舉乃食祭釂食舉注食乃祭釂禮殺疏

注釋曰前正祭

之時尸祭釂嘗之告旨記佐食爾黍於席上尸始食今餞食乃祭釂故決之云禮殺故也

卒食主人

降洗爵宰贊一爵主人升酌醕上養上養拜受爵主人

答拜醕下養亦如之注少牢饋食禮曰贊者洗三爵主

人受于戶內以授次養舊說云主人北面授下養爵疏

注釋曰引少牢者欲見此禮主人亦受於戶內以授次養引舊說以此經云醕下養主人面位無文當北面也

主人拜祝曰醕有與也如初儀注主人復拜為戒也與

讀如諸侯以禮相與之與言女醕此當有所與也與者

與兄弟也既知似先祖之德亦當與女兄弟謂教化之

疏注釋曰云諸侯以禮相與之與者案禮運云諸侯以禮相與者諸侯會同聘問一德以尊天子言此

者戒嗣子與長兄弟及衆兄弟相教化相與以尊先祖之德也兩暮執爵拜注答主人

也祭酒卒爵拜主人答拜兩暮皆降實爵于籩上暮洗

爵升酌酢主人主人拜受爵注下暮復兄弟位不復升

也上暮即位坐答拜注既授爵戶內乃就坐疏

注釋曰以其主

人位在戶內下餞席南西面故
知上餞授爵於戶內乃就坐

主人坐祭卒爵拜上饗

答拜受爵降實于篚主人出立于戶外西面注事餞者

禮畢○祝命徹胙俎豆籩設于東序下注命命佐食胙

俎主人之俎宗婦不徹豆籩徹禮略各有為而已設于

東序下亦將燕也疏

釋曰自此盡畢出論徹薦俎改設
饌於西北隅為陽厭之事云祝命

徹胙俎者是佐食徹之當徹胙俎之時堂下賓兄弟俎
畢出故下文云佐食徹胙俎堂下俎畢出是也然祝命
徹胙俎時堂下俎畢出文退在下者欲見先徹室內俎
乃徹堂下是以祝命佐食徹胙俎及豆籩又祝自執俎
以出又宗婦徹祝豆籩入于房即佐食改饌西北隅是
以作經并說室內行事乃到本文上佐食徹胙俎時堂

下俎畢出也。注釋曰：云命命佐食者，此命命使徹。昨俎下文云：佐食徹俎。故知祝命者，命佐食也。云宗婦不徹豆，籩徹禮略各有為而已者，以豆籩宗婦贊設之，佐食設俎，理應佐食還自徹。俎宗婦徹豆籩，以徹禮略各自有為而已。故宗婦豆籩命佐食并徹之。故云徹禮略也。各有為而已者，謂宗婦徹祝俎豆籩佐食徹昨俎豆籩，是各自有為何必。祝執其俎以出，東面于戶西，注俟告依前所設之時也。

利成少牢下篇曰：祝告利成，乃執俎以出疏。

注釋曰：案有司徹下

大夫不傭尸，改饌于西北隅。訖，主人出立于阼階上。西面祝執其俎以出，立于西階上。東面，司宮闔牖戶，祝告利成，乃執俎以出于廟門。有司受歸之，彼不傭尸之禮亦與此特牲禮同，故引為證也。宗婦徹祝

豆籩入于房，徹主婦薦俎。注：宗婦既並徹徹其卑者，士

虞禮曰祝薦席徹入于房疏

釋曰宗婦不徹主人豆籩而徹祝豆籩入房者為主

婦將用之為燕祝兩豆籩而主婦用之者祝接神尸之類主婦燕姑姊妹及宗女宜行神惠故主人以薦羞并及祝庶羞燕宗人於堂主婦以祝籩豆用之燕內賓於房是其事也注釋曰云宗婦既並徹徹其卑者以宗婦不徹主人籩豆而徹祝與主婦是徹其卑者故得並徹引士虞禮者以經自有入房之文注更引士虞禮者有嫌也嫌者以主婦薦俎先在房嫌經入房又為徹

○佐食徹尸薦俎敦設于西

北隅凡在南扉用筵納一尊佐食闔牖戶降注扉隱也
不知神之所在或諸遠人乎尸謬而改饌為幽闇庶其饗之所以為厭飫少牢饋食禮曰南面如饋之設此所

謂當室之白陽厭也則尸未入之前為陰厭矣曾子問

曰殤不備祭何謂陰厭陽厭也音義

匪扶未反厭一豔反厭於庶反

疏

注釋曰云不知神之所在或諸遠人乎禮記郊特牲之文彼論正祭與繹祭之事此為陽厭引之者欲見孝子求神非一處故先為陰厭後為陽厭之事也引少牢者見彼大夫禮陽厭南面此士禮東面雖面位不同當室之白則同案曾子問庶殤為陽厭之事故彼云凡殤與無後者祭於宗子之家當室之白尊於東房是謂陽厭鄭注云當室之白謂西北隅得尸之明者也凡言厭者謂無尸直厭飲神故鄭云則尸未入之前為陰厭矣謂祭于奧中不得尸明故名陰厭對尸謾之後改饌於西北隅為陽厭以向尸明故為陽厭也引曾子問云殤不備祭何為陰厭陽厭也彼上文孔子曰有陰厭有陽厭謂宗子殤有陰厭無陽厭凡殤有陽厭無陰厭曾子嫌

謂殤死陰厭陽厭備有故問孔子孔子別宗子殤死有陰厭凡殤死有陽厭引之證成人陰厭陽厭並有之義也祝告利成降出主人降即位宗人告事畢○賓出主

人送于門外再拜注拜送賓也凡去者不答拜疏

注釋曰云

凡去者不答拜者云凡總解諸文主人拜送賓皆不答拜鄭注鄉飲酒云禮有終是也若賓更答拜是更崇新敬禮故不答也佐食徹俎堂下俎畢出注記俎出節兄弟及

衆賓自徹而出唯賓俎有司徹歸之尊賓者疏

注釋曰云唯賓

俎有司徹歸之尊賓者有司徹歸尸侑之俎不徹尸歸尸俎皆不見歸賓俎鄭所以知歸賓俎者正見賓出主人送於門外再拜明賓不自徹俎主人使歸之若助君祭必自徹其俎鄭注曲禮大夫以下或使人歸之是以

孔子世家云魯郊不致燔俎于大夫孔子不脫冕而
行士大夫家尊賓則使歸之自餘亦自徹而去也

○

記特牲饋食其服皆朝服玄冠緇帶緇韠注於祭服此

也皆者謂賓及兄弟筮日筮尸視濯亦玄端至祭而朝

服朝服者諸侯之臣與其君日視朝之服大夫以祭今

賓兄弟緣孝子欲得嘉賓尊客以事其祖禰故服之緇

韠者下大夫之臣夙興主人服如初則固玄端疏

釋曰此退

玄冠在朝服下者欲令近緇色士冠在朝服上服從而
正也注釋曰云皆者謂賓及兄弟筮日筮尸視濯亦玄
端者見上經云筮日主人冠玄端子姓兄弟如主人之
服有司羣執事如兄弟服筮尸云如求日之儀至於視

濯又不見異服故知皆玄端至祭日夙興云主人服如初初即玄端明其餘不如初是朝服可知是以此注云皆者謂賓及兄弟也云朝服者諸侯之臣與其君日視朝之服大夫以祭者案玉藻云諸侯朝服以日視朝下少牢云主人朝服是也緇韠者下大夫之臣者士冠禮云主人玄冠朝服緇帶素韠韠與裳同色此朝服緇韠大夫之臣朝服素韠此緇韠故云下大夫之臣云夙興主人服如初則固玄端引上經者直言皆朝服恐主人亦在其中故引證主人服玄端與兄弟異也

唯尸祝佐食玄端玄裳黃裳雜

裳可也皆爵韠注與主人同服周禮士之齊服有玄端

素端然則玄裳上士也黃裳中士雜裳下士音義齊側

皆反

疏

注釋曰周禮士之齊服有玄端素端司服文引之者欲見士之齊服有一玄端而裳則異故鄭云然則玄

裳以下見玄端一而裳有三也彼注云素端者亦謂札
荒有所禱請服之於此經無所當而連引之耳若然士
冠亦有玄端三等裳而引司服者以此特牲祭祀時彼
據齊時四命已上齊祭異冠大夫齊祭同冠故此祭
祀引齊時冠
服為證也 ○設洗南北以堂深東西當東榮注榮屋

翼也水在洗東注祖天地之左海篚在洗西南順實二
爵二觚四觶一角一散注順從也言南從統於堂也二
爵者為賓獻爵止主婦當致也二觚長兄弟及眾賓長
為加爵二人班同迎接竝也四觶一酌奠其三長兄弟
酬賓卒受者與賓弟子兄弟弟子舉觶於其長禮殺事

相接禮器曰貴者獻以爵賤者獻以散尊者舉觶卑者舉角舊說云爵一升觶二升觶三升角四升散五升音

義

從子容反

疏

注釋曰云二爵者為賓獻爵止主婦當致也者以一爵獻尸尸奠之未舉又一爵主婦當

致者案經主婦致爵於主人婦人不見就堂下洗當於內洗則主婦致爵於主人時不取堂下爵而云主婦當致者謂主婦當受致之時用此爵也云四觶一酌奠其三長兄弟酬賓卒受者與賓弟子兄弟弟子舉觶於其長禮殺事相接者酌奠于鉶南是嗣子雖飲還復神之奠觶也餘有三在主人洗一觶酬賓奠於薦北賓取奠於薦南此未舉也下筵有二觶在及長兄弟洗觶為加爵衆賓長為加爵如初爵止此亦未舉也下筵仍有一觶在乃羞之後賓始舉奠觶行旅酬辯卒受者以虛觶奠於下筵還有二觶至為加爵者作止爵長兄弟亦坐

取其奠觶酬賓如賓酬兄弟之儀以辯卒受者未實觶于篚時賓弟子兄弟弟子洗觶各酌舉觶于其長即用其篚二觶卒受者未奠之故三觶並用也故注云卒受者與賓弟子兄弟弟子舉觶於其長也云禮器曰賁者獻以爵者謂賓長獻尸主人致爵於主婦是也賤者獻以散上利洗散是也尊者舉觶謂若酌奠之及長兄弟酬賓之等是也卑者舉角謂主人獻用角鄭云不用爵者下大夫也則大夫尊用爵士卑用角是也引舊說者爵觶已下升數無正文韓詩雖有升數亦非正經故引舊說為證也

○壺桮禁饌于東序

南順覆兩壺焉蓋在南明日卒奠冪用綌即位而徹之加勺注覆壺者盥漑水且為其不空塵冪用綌以其堅潔禁言桮者祭尚厭飲得與大夫同器不為神戒也音

義

覆芳伏反
盡音庚

疏

釋曰未奠不設罍卒奠乃設之故曰卒
奠罍用谿注釋曰云禁言檡者祭尚厭

飲得與大夫同器不為神戒也者器本無名人與作號
檡之與禁因物立名是以大夫尊以厭飲為名士卑以
禁戒為稱復以有足無足立名故禮記注云無足有似
於檡故因名云耳但經已有檡字注云世人因名者誤
當無世人字也士曰禁由有足以士虞禮云尊于室中
兩甌醴酒無禁禁由足生名禮記云大夫用檡士用禁
及鄉飲酒鄉射皆非祭禮是以雖大夫去足猶
存禁名至祭則去足名為檡禁不為神戒也

○籩巾

以谿也。繡裏棗。棗擇注。籩有巾者果實之物多皮核
優尊者可烝裏之也。烝擇互文舊說云繡裏者皆玄被

音義

裏之
音果

疏

注釋曰言多皮核
者棗多皮棗多核

釧。毛用。苦若薇。皆有滑

夏葵冬苴注苦苦茶也苴董屬乾之冬滑於葵詩云周

原臚臚董茶如飴今文苦為芣芣乃地黄非也音義苴音

桓臚亡甫反董音疏注釋曰云乾之冬滑於葵者以其

謹芣音下劉音戶冬乾用之不用葵而用苴明知冬

則滑於葵也引詩證之詩言董茶即經苴苦之類也云

今文苦為芣芣乃地黄非也者爾雅釋草云芣地黄非

者以其與薇葵等菜棘心七刻注刻若今龍頭牡繫在

為不類故知非也

廟門外東南魚腊繫在其南皆西面饔繫在西壁注饔

炊也西壁堂之西牆下舊說云南北直屋栢稷在南音

義

栢音

疏

注釋曰云西壁堂之西牆下者案上經云主婦視饔繫于西堂下逼西壁為之故以舊說

辨之也舊說者案爾雅釋宮曰檐謂之摘孫氏云謂室
相周人謂之栢齊人謂之檐謂承檐行材士喪禮銘置
于宇西階上鄭注云宇栢是也○所俎心舌皆去本末午割之實于牲

鼎載心立舌縮俎注午割從橫割之亦勿沒立縮順其

性心舌知食味者欲尸之饗此祭是以進之疏釋曰云戴心立

舌縮俎者少牢云舌皆切本末亦午割勿沒其戴于所
橫之此言縮俎者彼言橫據俎上為橫此言縮據鄉人
為縮是以少牢云皆進下是也注釋曰云亦勿沒者亦
少牢文謂四面皆鄉中央割之不絕中央少許謂之勿
沒也○賓與長兄弟之薦自東房其餘在東堂注東堂東

夾之前近南疏釋曰其餘謂衆賓兄弟之薦也○沃尸盥者一人奉槃

者東面執匱者西面淳沃執巾者在匱北注匱北執匱之北亦西面每事各一人淳沃稍注之今文淳作激音

義

奉芳勇反淳之純反劉音純激古狄反一本作淳劉本作微音數

宗人東面取巾振

之三南面授尸卒執巾者受注宗人代授巾庭長尊○

尸入主人及賓皆辟位出亦如之注辟位遂遁○嗣舉

奠佐食設豆鹽注肝宜鹽也○佐食當事則戶外南面

無事則中庭北面注當事將有事而未至凡祝呼佐食

許諾注呼猶命也○宗人獻與旅齒於徹賓注尊庭長

齒從其長幼之次佐食於旅齒於兄弟○尊兩壺于房

中西墉下南上注為婦人旅也其尊之節亞西方疏

注釋

曰先尊東方者亦惠由之也西方雖是賓以其男子故在前設尊此處為房內婦人設尊故知亞次西方又經云尊兩壺于阼階東又云西方亦如之明其相亞次此房內婦人之尊上文不見者異之於婦人

內賓

立于其北東面南上宗婦北堂東面北上注二者所謂

內兄弟內賓姑姊妹也宗婦族人之婦其夫屬於所祭

為子孫或南上或北上宗婦宜統於主婦主婦南面北

堂中房而北疏

注釋曰言所謂者上經云主人洗獻內兄弟于房中如獻衆兄弟之儀是也云

其夫屬于所祭為子孫者以其在父行則謂之為母今言宗婦則其夫屬於所祭死者之子孫之妻皆稱婦也云或南上或北上者內賓姑姊妹賓客之類南上自取曲禮云東鄉西鄉以南方為上宗婦雖東鄉取統于主婦故北上主婦南面故也云北堂中房而北者謂房中半已北為北堂也

主婦及內賓宗婦

亦旅西面注西面者異於獻也男子獻於堂上旅於堂下婦人獻於南面旅於西面內賓象眾賓宗婦象兄弟其節與其儀依男子也主婦酬內賓之長酌奠于薦左內賓之長坐取奠於右宗婦之娣婦舉觶於其娣婦亦如之內賓之長坐取奠解酬宗婦之娣交錯以辯宗婦

之如亦取奠解酬內賓之長交錯以辯內賓之少者宗

婦之娣婦各舉解於其長竝行交錯無算其拜及飲者

皆西面主婦之東南音義

娣大計反如音似本或作似

疏

注釋曰云西面者異

於獻也者以受獻時南面也云男子獻於堂上旅於堂下者見上經云婦人獻於南面旅於西面者見於有司徹云其節與其儀依男子也者謂依上經旅酬及無算爵早晚行事之節皆依男子也云主婦酬內賓之長酌奠於薦左內賓之長坐取奠於右者此約上經主人洗解酌于西方之尊西階前酬賓時主人奠解於薦北賓坐取解奠解于薦南是也云宗婦之娣婦舉解於其如婦亦如之者此亦約上經兄弟弟子洗酌于東方之尊阼階前北面舉解于長兄弟如主人酬賓儀是也云內賓之長坐取奠解酬宗婦之如交錯以辯者此亦上經

正行旅酬節賓坐取觶阼階前北面酬長兄弟至交錯以韡皆如初儀是也云宗婦之姒亦取奠觶酬內賓之長交錯以韡者此亦約旅酬節云長兄弟酬賓如賓酬兄弟之儀以韡卒受者賓觶于籩是也云內賓之少者宗婦之娣婦各舉觶於其長者此亦約上經正行無算爵時云賓弟子及兄弟弟子各酌于其尊舉觶於其長下云爵皆無算是也云其拜及飲者皆西面主婦之東南者此經云亦旅西面故知其拜受及拜送飲皆西面又亦旅酬之法飲皆西面知在主婦之東

○宗婦贊薦

者執以坐于戶外授主婦○尸卒食而祭饔饔雍饔注

雍孰肉以尸享祭竈有功也舊說云宗婦祭饔饔亨者祭雍饔用黍肉而已無籩豆俎禮器曰燔燎於饔夫饔

者老婦之祭盛於盆尊於瓶疏

注釋曰云亨者則周禮亨人之官其職主實鑊

水饗亨之事以供外內饗故使之祭饗饗也云用黍肉而已無籩豆俎者亦約禮器云盆瓶知之引禮器者案彼云孔子曰臧文仲焉知禮燔柴於奧鄭注云奧當為饗字之誤也或作竈禮尸卒食而祭饗饗饗也時人以為祭火神乃燔柴又云夫饗者老婦之祭也盛於盆尊於瓶注云老婦先炊者也盆瓶炊器也明此祭先炊非祭火神燔柴似失之

○賓從尸俎出廟門乃反位注

引之者證祭饗之事也

賓從尸送尸也士之助祭終其事也俎尸俎也賓既送

尸復入反位者宜與主人為禮乃去之疏

注釋曰云士之助祭終其

事也者謂送尸為終其事既送尸為終其事則更無饗尸之禮若上大夫有饗尸者尸出賓不送以其事終於

償尸
故也

○尸俎右肩臂臠肫脰正脊二骨橫脊長脅二骨

短脅注尸俎神俎也士之正祭禮九體貶於大夫有併骨二亦得十一之名合少牢之體數此所謂放而不致

者凡俎實之數奇脊無中脅無前貶於尊者不貶正脊不奪正也正脊二骨長脅二骨者將舉於尸尸食未飽

不欲空神俎音義

併步頂反放方往反奇居宜反下同

疏

注釋曰云亦得十一之名合少

牢之體數者謂少牢正體之數十一若牢竝骨并數則十七鄭云此所謂放而不致者致至也所謂禮器彼鄭注云謂若諸侯自山龍以下皆有放象諸侯山龍以下無日月星辰卿大夫又不山龍此士併骨二數乃得十

一除此唯九而已亦是放而不致也云凡俎實之數奇者有九有七有五是奇數以其鼎俎奇故實數亦奇而相稱也云脊無中脊無前貶於尊者不貶正脊不奪正也者以少牢大夫禮三脊脊俱有此但有二體貶於大夫大夫即尊者也等貶牲體不貶正脊者不奪其正長脊亦不貶者義與正脊同云正脊二骨長脊二骨者將舉於尸尸食未飽不欲空神俎者此脊與脊二骨本為饌厭飫所設也又欲尸既舉脊脊而猶有脊脊在既不空神俎義

膚三注為養用二厭飫一也音義

養劉子峻反與餒同

得兩施

離肺一注離猶揜也小而長午割之亦不提心謂之舉

肺音義

揜苦主反

疏

注釋曰云亦不提心者言亦謂亦少儀云牛羊之肺離而不提心鄭注云提猶

絕也揜離之不絕中央少許者是也

剗肺三注為尸主人主婦祭今文剗

為切魚十有五注魚水物以頭枚數陰中之物取數於

月十有五而盈少牢饋食禮亦云十有五而俎尊卑

同此所謂經而等也疏

注釋曰云魚水物以頭枚數者對三牲與腊以體數也云取數

於月十有五而盈者案禮運云月三五而盈三五而闕文出於彼也云此所謂經而等者亦所謂禮器彼鄭注云謂若天子以下至士庶人為父母三年是也引之者諸魚數亦尊卑同也

腊如牡骨注不

但言體以有一骨二骨者疏

注釋曰云不但言體以有一骨二骨者若但言體體

有九有十一則不兼二骨者若言牡骨則一骨二骨兼在其中故直言如牡骨也

○祝俎髀臠

脊二骨脅二骨注凡接於神及尸者俎不過牲三體以

特牲約加其可併者二亦得奇名少牢饋食禮羊豕各

三體疏

釋曰云祝俎直云脅二骨謂代脅祝俎有代脅可知注釋曰云凡接於神及尸者俎不過牲三

體以特牲約加其可併者二亦得奇名者言凡者凡祝佐食賓長長兄弟宗人之等是也接神者謂祝與佐食佐食尸未入為神設俎卻會祝酌奠於鉶南故曰接神也接尸者賓為三獻長兄弟為加爵尸盥宗人授巾皆

是與尸相接也知皆三體者下佐食俎轂折脊脅也賓骼長兄弟及宗人折其餘如佐食俎故知皆三體也

賓之長亦有加爵接於尸亦應三體下文但言兄弟及

宗人而衆賓長亦在焉可知故下文直云衆賓及衆兄

弟皆轂脊注云不備三者賤也則衆賓長為加爵不在

賤限以特牲約加其可併者二骨者是尊祝也佐食已

下卑無加故下注云三體卑者從正是也云少牢饋食

禮羊豕各三體者以少牢二牲故祝俎無加者直三體

引之以證此特牲約有三體之外加其併骨也若然俎實其數二牲各三體共六體不奇者通腊脾為七則亦奇數也以其腊既兩髀屬

膚一離肺一○阼俎臂正脊

于尻不殊故為一體也

二骨橫脊長脅二骨短脅注主人尊欲其體得祝之加

數五體又於其可併者二亦得奇名臂左體臂疏

注釋曰云

臂左體臂者以其尸用右不云折明全升主人又云臂明左臂可知脅骨多不嫌得與尸同用右體猶脊然也

膚一離肺一○主婦俎穀折注穀後足折分後右足以

為佐食俎不分左臠折辟大夫妻音義

穀尸角反疏注又昔角反釋

曰云穀後足者案既夕記云明衣裳長及穀鄭注云穀足跗也是穀後足也云分後右足以為佐食俎者經不

云後右足鄭知者以少牢主婦用左臠此士妻辟之
不用左臠用後右足不用後左足左足大卑故也 其

餘如胙俎注餘謂脊脅膚肺○佐食俎𩇛折脊脅注三

體卑者從正疏

注釋曰直云脊脅不定體名欲見得便
用之少牢佐食俎設于兩階之間其俎

折一膚鄭注云折者擇取牢正體餘骨折分
用之有脅而無薦亦遠下尸是無定體也

膚一離肺

一○賓骼長兄弟及宗人折其餘如佐食俎注骼左骼

也賓俎全體尊賓不用尊體為其已甚卑而全之其宜

可也長兄弟及宗人折不言所分略之音義

長丁丈反
注及後皆

同疏

注釋曰知骼是左骼者以其尸用右骼故知賓所
用骼是左骼可知也云長兄弟及宗人折不言所

分略之者此決上文主婦俎穀折佐食
俎亦名穀折此不言所分故知略之也

衆賓及衆兄弟

內賓宗婦若有公有司私臣皆穀胥注又略此所折骨

直破折餘體可穀者升之俎一而已不備三者賤祭禮

接神者貴凡骨有肉曰穀祭統曰凡為俎者以骨為主

貴者取貴骨賤者取賤骨貴者不重賤者不虛示均也

俎者所以惠之必均也善為政者如此故曰見政事之

均焉公有司亦士之屬命於君者也私臣自己所辟除

者音義

穀戶交反
胥之丞反

疏

注釋曰云又畧者上文長兄弟及
宗人直言折不言所折骨體已是

畧此又不言折而言殷胥是又略也言此所折骨值有餘體即破之可也云祭禮接神者貴者謂長兄弟及宗人已上俎皆三體皆有膚肺以接神及尸貴故三體雖不正接神尸神象接尸者亦貴可知自衆賓以下折體而已不接尸神賤無獻故也宗人雖不獻執巾以接尸亦名接尸也引祭統者見貴賤皆有骨示均之義云已所辟除者則府史之膚一離肺一○公有司門西北面等不命於君者也

東上獻次衆賓私臣門東北面西上獻次兄弟升受降

飲注獻在後者賤也祭祀有上事者貴之非執事者亦

皆與旅音義

與音預

疏

注釋曰衆賓兄弟次賓之下得獻公有司獻在衆賓後私臣獻在兄

弟後故云獻在後者賤也云祭祀有上事者貴之者衆賓擇取公有司可執事者謂執前舉鼎已載肝從端從

加爵之事如此者門外在有司羣執事中入門列在西
方東面為衆賓餘者在門西北面位也兄弟雖無上事
亦皆在東方西面位族親故也私臣獻在兄弟後者職
賤公有司在衆賓後不執事者賤于執事者故曰有上
事者貴之宗人獻與旅盞於衆賓則公有司為之佐食
於旅盞於兄弟則私臣之中擇為賓使為佐食者也是
以前文佐食北面立于中庭注云佐食賓佐尸食者是
也案前賓得獻薦脯醢設折俎注云公有司設之及獻
兄弟薦胥注云私人為之與二者皆使執事云非執事
者以受獻者不得自設俎暫使二者設之非本執事之
人然則公有司私臣薦俎皆使徒隸為之與云亦皆與
旅者上宗人獻與旅盞於衆賓佐食於旅盞於兄弟此
但言獻次不言旅以宗人佐食約之亦皆與旅者亦此
二人也若天子諸侯祭祀其位無文此公有司在門西
北面東上私臣在門東北面西上天子諸侯祭祀可依
此位矣同姓無爵者在阼階前西面北上卿西階前東

面北上大夫在門東北面士門西北面旅食在其後少
牢下篇云衆賓位在門東北面既獻在西階西南衆賓
繼上賓而南天子諸侯之賓其位或依此與案祭統云
凡賜爵昭為一穆為一昭與昭齒穆與穆齒凡羣有司
皆以齒此之謂長幼有序此不見昭穆位者主人衆兄
弟非昭穆乎故彼注昭穆猶特杜少牢饋食之禮主人
之衆兄弟也羣有司猶衆賓下及執事者君賜之爵謂
若酬之是也若其有爵者則以爵序之何故然也案文
王世子其在外朝則以官其在宗廟之中則如外朝之
位宗人授事以爵以官是不以姓其獻之亦以官故祭
統云尸飲五君洗玉爵獻鄉尸飲七以瑤爵獻大夫尸
飲九以散爵獻士及羣有司皆以齒明尊卑之等是也
其酬蓋因此位而昭穆得獻蓋依少牢下篇主人洗升
酌獻兄弟阼階上注云兄弟長幼立飲賤不別大夫之
賓尊於兄弟又曰辯受爵其位在洗東西面北上升受
爵其薦胥設于其位注云先著其位於上乃後云薦胥

設于其位明位初在是也此中皆無爵者以此二者差之知無爵者從昭穆有爵者則以官矣所擇執事貴者即衆賓無事者公有司私臣鄭注祭統云羣有司猶衆賓下及執事者似衆賓不執事言下及殊卑者指謂公有司私臣是亦得名為執事言衆賓据尊言謂之不執事者或衆賓中容有不執事者也

儀禮注疏卷十五

儀禮注疏卷十五考證

不諏日疏何休云禮本下為士制四者○

臣學健

按何

休原文四者下有四時祭也四字賈氏引文未全仍之

宰自主人之左贊命○敖繼公云左當作右蓋字誤耳
乃宿尸注古文宿皆作羞○監本脫此六字据疏有此
補之

主人再拜賓答再拜○下再拜監本謾再答今依石經

及教本改正

衆賓答再拜○教繼公云衆賓答一拜言再者字誤也

臣紱

按教說是也鄉飲鄉射主人三拜衆賓衆賓皆

答一拜

夙興主人服如初立于門外東方○方監本譌作房今

依石經及教本改正

執事之俎陳于階間二列疏此鼎在門外不入○

臣紱

按注既言不升鼎則無鼎矣此鼎二字非賈氏誤解

即字之譌也

佐食升所俎鼎之○敖繼公云鼎當作冪

出立于西南面○石經及敖本西上有戶字

祝命按祭注今文改按皆為綏古文此皆為按祭也○

監本脫此十五字

臣學健

按士虞禮尸取奠節疏引

此注有此据彼補之

佐食盛所俎俎釋三个疏今尸已舉正脊云云一段○
舊刻云今以舉正脊一骨長脅一骨及髀脊骨各一

骨在前脚三節後脚二節各舉其一訖前脚舉肩訖
宜次盛臂後脚舉脰訖宜次盛肱前後各一節以歸
脰脊以其次正脊故也前脚唯有膈在并脊脅各一
骨為三也臣紱按此段譌繆難通今反覆經記并取
牲體之骨細核之易置數字並去一行句庶與經義
少協

肝從左執爵取肝換于鹽坐振祭瘠之○教繼公云坐
字衍臣紱按教意以上文既云坐扱手至此尚未興

不當復言坐也

尸卒爵酢疏謂如上主婦亞獻尸及祝皆燔從及主人
主婦致爵皆肝從燔從此雖云如初則無肝從○監
本皆燔從下行如初故云如亞獻七字主婦致爵下
脫皆肝從燔從此六字臣紱按以經之節次細考之
應如此

主人降阼階西面拜賓如初○敖繼公云階下當有前
字

賓左執爵○左右經作佐

洗獻衆兄弟如衆賓儀○兄弟上監本脫衆字今依石
經及教本補正

舉奠洗酌入尸拜受舉奠答拜祭酒啐酒○石經及教
本祭酒上有尸字

兄弟弟子洗酌于東方之尊阼階前北面舉觶于長兄
弟疏弟子洗觶酌于東方之尊阼階前東面獻長兄
弟○或以疏東面二字與經北面不符疑有譌錯

臣

統按長兄弟位阼階下西面故弟子東面獻之經言
北面皆答拜時也疏言東面指獻解時也疏正以申
明經文之所未言者耳

賓奠解拜長兄弟答拜賓立卒解○卒監本譌于今依
石經及教本改正

長兄弟西階前北面衆賓長自左○監本脫自字今依
石經及教本補之

賓弟子及兄弟弟子洗各酌于其尊中庭北面西上舉

解于其長奠解拜長皆答拜舉解者祭卒解拜長皆
答拜○監本脫舉解者祭卒解拜長皆答拜十一字
今依石經及教本補之

主人出立于戶外西面○面監本作南今依教本改正
受爵降實于篚主人出立于戶外西面○外監本作內
今依石經及教本改正

佐食徹尸薦俎敦疏謂宗子殤有陰厭無陽厭○此句
下監本多謬脫今据曾子問經注改正

篚在洗西南順注二觚長兄弟及衆賓長為加爵○及
監本作酌楊氏儀禮圖作酬竝謊推尋文義應作及
字為是

沃尸盥者一人○敖繼公云者一人三字疑衍

尊兩壺于房中西墉下○墉監本謊墉今改正

祝俎髀○髀監本謊作脾今依石經及敖本改正

公有司門西北面東上注非執事者亦皆與旅○監本

脫非執事者四字

臣紱

按疏呼此句而釋之則注應

有此句且注若無此則亦皆二字無着而語勢不全
今尋繹文義補之

疏衆賓兄弟次賓之下得獻○此十字監本在下文
貴之者下細玩文意當移于首

又疏謂執前舉鼎已載肝從燔從加爵之事○監本
作謂前舉鼎已載羞從獻衆賓擇取公有司酬爵之
事臣紱按衆賓擇取公有司七字蓋緣上文而誤複
其餘謠字悉据經之節次改正

儀禮注疏卷十五考證

謹案第三頁後六行疏又不云抽上贛者刊本贛
訛贛據監本改

第十六頁前四行素衣朱霄監本詩經宵作繡

第二十三頁前七行音義後墮祭按祭皆倣此刊

本墮訛隋今改

第二十八頁後八行注變黍言耆刊本言訛以據

疏文改

第三十三頁後八行注古文更為受刊本古訛今

更訛授並據宋本改

第四十三頁後三行疏直行無算爵者刊本行訛

有據上文改


第五十四頁後四行注祖天地之左海刊本左訛

右據禮記改

第六十一頁前一行亦是放而不致也刊本致訛
至今改

考證二頁前三行石經及教本刊本教訛教今改





覆校官編修臣項家達

校對官編修臣張秉愚

謄錄監生臣宣葆光